

九

九百五

九百六十一卷



文苑英華卷第九百伍十一

誌十七

職官十三

滄州刺史鄭孝本墓誌一首

華州刺史李懷讓墓誌一首

明州刺史李長墓誌一首

虔州刺史李公墓誌一首

饒州刺史趙郡李府君端墓誌一首

賀州刺史武府君充墓誌一首

滄州刺史鄭公墓誌銘

孫述

有唐之德讓君子曰原武男鄭公諱孝本字恭榮陽開封人也
公之父曰荊州松滋令乾瓚松滋之父曰
大志秘書之父曰華州刺史襄城公諱某世有令德特稱藩胃

藩行之因阜昌百祿非夫緇衣之慶羔裘之人平惠之勲厲宣
 之親則孰能光宗保族若斯之盛也公秉彝中和服義先訓孝
 惟不匱友則因心敦詩以言習禮以立用此道也刑於國施於
 政善氣著暢清風高翔何向不可所居則化矣始以明經高第
 解褐潤州叅軍厥初奮庸克勤小物吏曹以文敏於從事也故
 與之縣授泗州虹縣令魯人稱之璽書降馬衛人賴之碑頌立
 焉先夫夫張文瓘人之望也典掌台衡督課郡國以公謀疑作
 為第一且旦雖居下邑聲一無此字聞上累疑錄天下長吏樂以為
 式若占疑龜筮如覘法於象魏矣特勅授蒲州虞鄉縣令理如
 故迹帝是用臧乃詔公為隴右道廉察使堪其事也又為本道
 使杜求人特表薦以舉賢也制授朝散大夫雍州鄠縣令已而
 承淳大飢關輔尤甚能布其德而恤災人不離散下無捐瘠乃

耕乃畝嗣歲以登時皇儲監國多公善政特賜考詞褒異著文
 光被列郡榮之改懷州司馬歷夏州長史以母老乞罷官優詔
 換瀛州長史東表不寧也命公為平州刺史兼充使知營府度
 支營田刺郡實邊能成貳事中土之作也命公為洛陽令又轉
 洛州司馬理煩佐劇為則四方尋以丁內難去職乘乘骨立人
 倫傷慟既練有制起復又除洛陽司馬公泣血固讓不獲已強
 札拜從恩奪而瘖由哀甚忝君之命有以知奉上之心執親之
 喪有以見過人之戚臣子之道人遠乎哉尋除具州刺史轉安
 西都護以疾不堪詣部改授滄州刺史公自重拜洛師再臨河
 朔曾是遭閔常多請病隱机而驚讓興行閉閣而奸邪銷釋德
 敷於下具立多移禱之人功格于上滄海有臨理之詔老氏云
 鎮之以無名之樸其在是矣聖曆元年九月以致仕終於東都

之敦行里春秋六十有七凡束帶在位三十余四理京師訓郊
甸惠華夏清朔漠九變復貫百度惟真其養人也寬而栗其行
己也儉而壹撫孤無隔於外如博施不崇於內實蓋德行之具
美而政事之首出壺遂深中未登漢皇之相國僑遺愛遽感節
人之泣公聚於王氏夫人曰瑯 郡君公正二字貞即令思之
孫司刑大夫克壽之女稟訓齊大作嬪韓臬淑慎威儀循守典
札雖貴膺展狄而躬事組紉有雞鳴之賢有螽斯之盛自嬰晝
哭遂契明因志心味禪晤理根善惣斯純懿貽厥高門宜錫難
老何孤淨德以開元十八年五月終於東都懷仁里享年八十
有四明年正月某日合葬於某所從先營也嗣子尚舍奉御暉
之兵部郎中債之洛陽令偃之皆保世之主也克荷三從之訓
俱登伍命之服養極其樂喪盡乎哀閔騫之人無間言石建之

門傳孝道復見茲矣詩曰厘尔女士從以孫子原武有為銘之
下泉表是真宅銘曰

華州刺史李公墓誌銘

常衮

天垂將星著在三象國有武柄寧于四方投鉞其難止戈斯重
定封豕長蛇之孽致攀龍附鳳之功朱戟在門黃金橫帶命掌
師旅化成公侯時有汧國公其人也公諱懷讓字某蓋漢將軍
陵之後自五將失道家留隴山千年於茲因引貴族戎帳之下
華風在焉奔葉相乘久雄朔北本枝必復終茂隴西公則成紀
人也曾祖廣壯武將軍右武衛將軍祖忠雲麾將軍左金吾衛
大將軍贈銀青光祿大夫太僕卿父俱定遠將軍左驍衛將軍

贈銀青光祿大夫秦府都督積其勲望体有令名上將虎符延
于三代列卿羣節一作象榮及九原後嗣其昌吾門益大公生于

陝右以勇聞重懸弧四方之事有長斂三軍之志去病籌略
不孛兵書賈逵兒童即陳部伍人許封侯之相特歸拜將之望
安危成己任取富貴於掌上一日千里豈徒然哉以良家子選

羽林即騎射絕倫材官入侍射熊舊館戲馬前臺百步應弦兩

驂如舞便繁左右趨奉階闈疑作侯嘉漢常屬皇室艰难王

師巡狩侍執羈勒扈陪鳶輿即時見危捧六龍于岐下口陳天

命從五馬于回中投荆榛而執爰冒風雨而持蓋中原行在實

掌禁戎領護鈎陳典司環列出入警蹕肅清扞擻羽衛甚嚴軍

容益振夜合槍壘曉開旌門擁佳氣於月榮橫大風于天仗始

自靈武至於扶風險阻屯蒙未嘗離上削平休泰終契興王從

收京師首列勲舊於是出鎮左輔建牙近闕扼天下之樞走山

東之盜三秦巨防萬里長城闢屯田於斥鹵強士馬於抚弊仁

以理軍不聞半菽智能料敵豈在前茅有牧人御衆之才得憂

國奉公之礼竹符兼剖鈴閣長閑百城歌之政有經矣公始自

一命驟更秩奉其大者不可備書歷臨漳府折衝射生供奉後

以佐命功特授鎮國大將軍左羽林軍大將軍知左神武軍事

加特進兼鴻臚卿左神武軍大將軍封汧國公又加開府儀同

三司充潼關鎮國軍使同華州節度使華州刺使又兼御史丞

試殿中丞尋拜御史大夫檢校工部尚書並一作兼舊務雲從

龍風從虎以雄毅之略遇聖明之主事與時並名與功階位極

文武權分中外勲書甲令象列雲臺大丈夫特達有如此者不

知者受謂之何哉廣德元年九月三日薨于華州軍府春秋若

于天子聞之輟朝興嘆特優命數寵贈司空詔發轎車即日迎
柩列辟卿士咸會喪焉贈賻槩含有加故事京兆尹監護內謁
者致以詞即以其年十月四日陪喪建陵旌勲臣也將軍鹵簿
司空法駕鉦車介士前後鼓吹觀者稱榮懦夫增氣百官臨吊
卑集孔光之門五校送喪直至鄧弘之墓君臣之義厚莫重焉
有子四人前光祿少卿林光等孝因天性哀過禮經克紹臧孫
之後咸稱文氏之子史臣奉詔謹而誌之銘曰
有唐上將佐命通侯降神太白稟氣清秋弓落飛鴈劍衝斗牛
少年戴鶻上陌鳴騶綉衣朱襮越戟吳鉤入隨夜警出從春蒐
運屬艰难謀叅締構善行無迹大勇不聞三輔功名五原息舊
家榮鼎食廟列金奏翠羽在庭紫駟填廐寵私之盛誰出其右
命所不與人之雲亡萬乘震悼三軍悲涼謁者歸謂郤公會喪

特陪玄闕永柎黃錫禮優同等恩茂舊章俾題蟲篆用紀龍驤

明州刺史李公墓誌銘

梁肅

大曆七年冬十月甲子前明州刺史李公寢疾終于晉陵之無
錫私館嗚呼公諱長字某隴西狄道人其先自京武昭王玄盛
七葉至皇朝工部侍郎岐州刺史義琛生吏部郎中綰綰生蔡
州長史贈宋州刺史某某生公公生而聰明治左氏春秋舉孝
廉初任具州叅軍三迁至國子主簿御史中丞盧弈司察旬服
辟為從事天寶十五年集作大盜覆東周弈死節公遁脫而南
會永王璘都督江左諸軍雅知公材將署于幕以畫公告不能
無何璘果敗君子以公為知几時肅宗在岐集有政朝廷擢良
吏以慰郡懸不限官次多即授印綬丞相常見素表公可用牧
民詔攝安州刺史考績既成真拜均州治平迁鄧州康允之叛

南土大擾公會諸侯以王命討不臣尺兵不喪凶黨大壞宛鄧之間民到于今受其賜上方勤恤下民重二千石之任不暇登公於朝由是歷隨曹婺三州輯寧徵傳韓王王德三州既宣出為梓州又換明州時越初淨瘡痍未復公務蓄勸分人安懷之及其也如奪乳育嗚呼公凡歷官一十有四其部符公憂者八享年七十其為人也剛毅寬明惠和而清所至之邦先以禮後以刑使人迂善遠罪而不知其止君子曰古之良史也初公無胤子命兄子某為後八年十月某奉公之喪反葬于河南萬安山之陽夫人博陵崔氏秦州掾孝之女既笄而歸于我以宣慈恭順聞享年五十先公而歿公為明州之二年以大夫之喪反葬萬安至是附焉禮也夫唯天地之道可久若陵谷則無不遷也遂銘曰

於惟公先寔曰寔堅作舜五臣為唐八元周道不行追陽西遷晉失其政涼興勃馬武昭之孫宋州之子如珪如璧如松如梓集杞爰在下位令聞亶亶帝曰休哉命牧南鄙在鄧有亂惟我行師寇戎既夷部符于隨曹無罷人婺有去思或傳或藩受命咸宜爰自東南薄言旋歸謂天聰明胡下愍遺節彼萬安松栢九九猗與齊姜同穴其間橫峙惟崧房沅洛州銘勒金石永昭億年

慶州刺史李公墓誌銘

前人

公姓李氏諱某隴西城紀人也字曰受其先在晉霸西涼在魏侯姑臧長發有光乃盛集無熾而昌五代集作生秦王府戶曹贈太子舍人某以恭德垂格實公之大父水部郎中眉州刺史某以宏材廣化實公之烈考礼部尚書襄陽席豫以大名謚文

饒州刺史趙郡李府君墓誌銘

顧况

粵攷春秋叙事之實趙郡東祖源流甚長衛州刺史嘉祚曾孫
 荊州刺史璿孫贈尚書郎銛子諱端字公表官由臺省興元火
 尹少府監出泉饒二州刺史叅佐不書略也貞元八年秋七月
 終于郡署年六十一明年八月庚申窆於鳳山之東原嗚呼神
 明無質君子能通其意以為教本仲尼聞教微言七十子楊大
 義去聖雖遠其七十子之委孟乎至於饒禮將驅俗經以道俗
 饒之人始有講睦之聲上負不吊織疑作織我渠詰昔同鄉嗇夫
 猶葬桐鄉之桐鄉之人皆桐之今饒之葬如此嗚呼列章載云
 精神天之久骸骨地之久此言骸骨滅其精神不滅者何從心
 上變起而生展促常讀衆聖之書上於釋典如川及海之無翻
 流遂若疑作廬久處奮迅泥滓宜諸精爽黜陟幽明亦由是也夫

人贊皇都清河崔氏從其子拭盡力哀敬記石陸谷永質天壤

銘曰

蘭桂有叢以薰其風邠鄆舊氏厥祖惟東吁嗟府君其命不融
 精神本夫下在乎地舊國飛魂新塋掩隧逝不可止哀何不既

賀州刺史武府君墓誌銘

符載

武氏之得姓遠矣府君之世家貴矣左右僕射司徒太尉尚書
 令楚僖王士讓之玄孫九江王弘度之曾孫納言司徒同中書
 門下平章事定王攸暨之孫尚書膳部員外郎徐州刺史勝之
 子外祖母為玄宗皇帝之姑皇妣為肅宗之姨豫章之根大夫
 津之流廣穠華靈潤鍾于府君為府君諱克字虛受牆片魁峙
 操履堅峻蘊之文武辯有口才一作蘊文喜立名跡以排難
 拯時為事業始以高廕補兩館生解褐授洪州南昌尉操利刃

也次授潤州江寧尉馳驥足也自廣州司士掾轉陳州錄事參
軍甲子歲蔡賊希烈叛猛用堯噐逆師至于襄城遣裨將鄭賁
以精卒一萬來逼我城馬刺史薛宝任公如臂指憑公如金湯
顧眄成立陵呼嘯為矛戟寇用懾息不得攻取井邑完固我之
力焉俄而大梁陷茲地孤險實慮吞奪遂馳謁劉宣武下免介
胄而說之換兵鬪騎動如響答保安究竟我功一作綽馬劉司
徒嘉其威毅咨其策畫延致幕府以為實業是時希烈赫然東
平勢雄或相窺亂以膏齊火公復驅皇華之車投以心膂論之
以逆順張之以禍福示之以机宜秘謀飛辨得徒丸反掌之勢
由是淄青致寧陵之師解陳州之圍合匡君之力摧兇邪之氣
破堅陣擒宿將平姦隙結歡好誅逆將在茲一舉得不謂三寸
之舌賢于百萬之師乎司徒表其勲績亟聞乎闕下累迁尚書

虞部員外郎報功也無幾何亟相府除退歸鄭郊五六年間居

易食貧雖四方札辟日至具戶不苟其所從也適值有土

一作士

者懟其不答或用陰訕遂有臨賀之拜焉至郡教民以慈愛易

俗以札讓達其志意通其嗜慾曾未期歲大用治理嗚呼南方

氣炎春秋稍高冀遷北土養護余齡居任凡六霜竟困于足痺

年六十九以貞元十八年夏五月丙戌卒于官舍遺孤扶護以

十九年秋月七戊子葬于滎澤之廣武原禮也嗚呼才與命二

者难并今古其猶病諸上帝實司之為之柰何以公之行業誠

信宥才敏識宜躋上位列及废物而終止尚書郎二千石牢落

遠地竟至于殂纓紱之士愁憤慨息可勝道哉夫人隴西李氏

朝散大夫祕書丞和光之女母儀陰教輝華士族先公數歲而

歿至是而合柩焉嗣子曰異曰典温厚謹良奉承家風茹荼毀

瘠動中乎札徒子沈貳其窀穸之事以余為舅之友也見託為
銘曰

悠哉悠哉位下勝才一郤編小六年徘徊逸翮徒張高風不來
炎微隕落縉紳悲哀舊槨新墳榮澤之隈冥冥鳶鳳同棲夜臺

文苑英華卷第九百五十一

登仕郎胡柯

鄉貢進士彭

叔夏 校正

文苑英華卷第九百五十二

誌十八

職官十四

戴容州叔倫墓誌一首

崔饒州適墓誌一首

陸欽州叅墓誌一首

李柳州伯康墓誌一首

崔房州述墓誌一首

朝散大夫容州刺史戴公墓誌銘

權德輿

維貞元五年夏四月容州刺史經略使御史譙縣男戴公至部
之三月以疾受代迴車甌駱六月甲申次于清遠峽而薨春秋
五十八明年正月庚申返葬于金壇王京原之舊封且叙世德
以識幽窆云公諱叔倫字幼公本譙國人其先在宋為族於漢
為儒宗東漢則司徒涉西晉則有司農遂集作達非不同遂後南渡始
居丹徒八葉至宋臨相侯明室明室曾孫梁左丞曷曷玄孫皇

德州司士好間公之曾王父也王父脩集作脩譽父脊自庶天爵

不翹車轉次君之礼文盡通奧旨師安道之晦德尤惡之名故

世風純慶及公而發公早以詞藝振嘉聞中以材術商功利終

以理行敷教化師集作率履素王之訓周旋君子之儒淑聲休問

苾芬四暢初摠衣於蘭陵蕭茂挺以文李政事見稱蕭門文本

菁華而長於比興粲為集作馬采章集作馬鏘如珩璫集作黃是鼓鍾于

宮累辟大府分命於計相也則為湖南河南留後自秘書正字

三遷至監察御史曳居於賢王也則為湖南江西上介由大理

司直轉至尚書詞部郎中其阜人成化也則東陽一同之人沐

旬歲之至撫人飲集作欽三年之惠容人被踰月之教夔人聞詔

而歡承訃而哀不及蒙其澤歷官十一而雲安不書所至之邦

必刻金石始在轉運府也量則集作董賦於南荆會蜀將楊琳擁徒

阻命詔書告諭初革至集作無革志宵引銳卒劫脅使臣曰歸我金

幣可以紓死公山立不撓勇生於仁端其詞氣強於師旅暴叛

知感乞盟於公黎明率其從西嚮拜泣指京師臣列狀大字集作指期

諸闕家臣列狀天子召對而推功於府不伐其勞時談翕然勇讓具舉

其在臨川也清明仁恕多省費方略蜀郡崇儒之化南陽均水

之法精力區處民以便安田壤耕闢獄犴清淨居一年重書褒

異就加金紫未几而有容州之拜且都督集作無字府所治列城十

三訓戎撫俗之任招徠式遏之寄非通方明略無以威懷蓋皇

慈所軫先於柔遠方將愷悌於夷落致風俗於休嘉議者以九

百二南可跋而至天則不弔未如之何君直清篤厚博物通理

有大學之名誠大雅之疏達淨如淵泉如鏌干不緇不磷與令

問終始起布衣儒服位視方隅掃全之日終具祭器去國見麾



原件短缺

缺“崔饒州適墓誌”及其他三首墓誌

撞之盛返葬備棧轉之儀列松楸於舊封展牲牢於親薦哀榮之札鄉黨稱焉初公娶京兆常永州長史采之女繼室以博陵崔氏殿中侍御史殷之女皆淑明柔加不幸早世胤子曰郅曰邠年甫及亂哀如成人公仲兄新城長伯倫以子夙承公歡且有遺託既不獲讓是用直書銘曰

信都九江文禮章章旨代彌光司徒佐漢司農匡晉乃熾而昌世無違德特有通塞或行或藏克生容州貴為諸侯其道直方政成中和播為頌歌化彼二邦列爵疏土燦爛龜組壑聲鏘鏘宜享繁祉以媚天子令也則亡返葬故里遷集作仙之之趾德音不忘

朝散大夫使持節饒州諸軍事守饒州刺史上柱國崔君墓誌銘

文苑英華卷第九百五十三

職官十五

陳汝州利貞墓誌一首

鄭舒州甫墓誌一首

崔永州敏墓誌一首

鄧貴州墓誌一首

凌和州準墓誌一首

柳州宗元墓誌一首

汝州刺史陳公墓誌銘

穆貞

唐貞元五年秋七月汝州防禦使汝州刺史兼御史大夫東都畿汝州都防禦左軍兵馬靜戎郡王陳公疽發首已酉命牙門將鮮于侍進奉書告辭元戎尚書安平公以受恩忘死非其死為恨又命嘗同百戰之將王進達等十數人以忠蓋王事為別又命嗣子少英以孝敬繼夫人為誠庚戌歸于私第辛亥薨八月孤少英與家老故吏及龜筮謀得宅兆于州東石樓山之陽

辛酉葬公諱利貞范陽人祿山之亂始自平盧越海歸國累建
 戎効從太尉臨淮王光弼軍于河南寇攻睢陽垂陷太尉常遣
 腹心瓜雅之帥郝庭玉合諸侯之衆趨之公輒以輕騎赴如林
 之旅入其腹出其背如飈如星庭玉奇公之才謂已不逮拔於
 行間以其子妻之繩于臨淮列為重將其後庭玉入備宿衛出
 鎮河隴公實從之凡十遷大將軍太常卿太子賓客特進開府
 靜戎郡王至御史中丞隴右都知兵馬使其所置者皆如釋宋
 之事希烈之亂詔以哥舒曜為汝洛節制俾公之前隊佐之事
 疑作軍次次墳不終日城枝又以次襄郊寇軍大至公以馬步五
 百當強寇萬人立為奇兵橫擊其右兇黨退却一作數月不前
 襄下城守拒有備由此效也希烈自統二字一作空豺狼之衆
 至而圍合矢石雨下晝夜不息外築堦道與城相屬公登陴捍

敵身均士卒勞則先之逸則後之凡不擲不沐非以我事當見
 戎帥不下城者十七餘日戎帥蒼黃自拔亂不能遏叛將庭芝
 謀害之者數四陰為之制使不得發俄而朱泚以閔中僭逆凡
 幽薊河隴之卒掌隸於泚千里之外應之公與庭之所統皆泚
 之舊也庭芝果以其衆作亂公之麾下亦帶甲而從之中宵難
 作公仗劔當轅門而立呼曰如有過此門者當殺我而後過由
 是其衆定而庭芝逸故有專城之拜其為州也奉上以不違撫
 下以不擾是以廉使盡其政疲人安其理春秋五十有八前後
 歷官二十二封爵四從戎許國垂四十年不須吏忘忠敬之心
 不一日蹈汙染之跡起鼓鞞之下登諸侯亞相與茂勳寵祿相
 與終始可不謂之丈夫之致乎安平公出涕之外餘有復慟疑
 復慟將吏等遑相弔徃徃如在前夫人隴西辛氏實太原節度

相國金城王之文整首頰血以疋喪其長子少英幼子壬癸未
懷陵谷見託為銘其詞曰

蒼蒼平原鬱鬱高墳下有泉戶永閉虎臣豈伊虎臣亦曰賢守
勒銘貞石示千古後

舒州刺史鄭公墓誌銘

前人

有唐循吏故舒州刺史滎陽鄭府君諱甫字某享年五十有四
歷官一十有二以貞元六年冬十月辛丑卒于東都崇讓里弟
十一月諸孤家老得請于元龜奉府君之喪歸祔于祖實鄭州
滎澤縣廣武原庚寅下其先史足徵也十代祖暉元魏建威將
軍南陽公魏氏定五姓冠百族暉以官婚人物甲于時選厥後
歷周隋洎皇朝凡六葉至于曾祖仁愷密亳二州刺史祖茲明
銀青光祿大夫濠州刺史考令璉銀青光祿大夫國子祭酒重

名貴仕照灼相續府君少以門資奉俎豆于太廟調習書判超
等擢祕書省校書郎歷京兆府戶曹參軍畢事改授大理司直遷
求多士以集大務攝京兆府戶曹參軍畢事改授大理司直遷
監察御史實佐時宰充營田使判官轉殿中侍御史罷授尚書
祠部員外郎兼侍御史充宣歙青苗稅戶使朝于京師拜和州
刺史廉使今君守公奏課第一錫命屢降凡兩加特階一賜命
印紫綬且以借留之典副之後遷舒州刺史而歷陽之積疑作續
累載之美布於下車之初乃至訟不煩於聽令不費於言賦調
事理吏勸人逸初祭酒府君殯於鎬惟王事世故洎龜筮之不
叶未遑返葬至是累疏陳乞優詔曰俞解印端歸遺孺于道哀
哉夫人清河崔氏故中書令趙國公圓之子也以地之貴天之
淑致善乎府君之家不幸早世殯於所次俟夫異日遷而合焉

有子九人長男曰適左衛率府倉曹叅軍次日奉方志于學未
亂有文二曰疑長適范陽盧氏深妻未笄者

四其執喪毀長過於禮幼加成人兄子前鄉貢進士權導諸孤
之請見訪為誌嗚呼今方下之內靡攻伐之患烝嘗所墮在於
富而教之府君之生蓋明主歡息之所求也其沒也豈獨舒人
和人之相弔歟迹其二府已然之理可使太史公班孟堅之徒
從而紀之以及於後今也遺愛故事結于人之深者止於輟春
墮淚日月至而逝焉然則銘之於墓亦其次也銘曰

生貴行道道貴及物苟有其稱其誰不沒猗歟府君政及生人
自我煦育二邦如春不知者命盍至孔殛託體山河與之終極

朝散大夫永州刺史崔公墓誌銘

柳宗元

維元和五年九月十五日壬子永州刺史崔公薨于位享年六

十八己未殯于路寢景寅遷神于舟以某年某月日歸葬于某

縣某原祔于皇考吏部侍郎贈戶部尚書府君之書尚書諱猗

玄宗南巡內禪聖嗣府君以謀畫定命起一旅以復天下厥功

載焉尚書之先曰貴鄉丞贈太常少卿府君諱子美太常之先

曰揚州江陽集作都丞府君諱道禎行高位卑華冠士族公諱敏

字某承世德之清源浚之以蠲潔以端其志采群言之枝葉植

之以茂實以循集作循其能始由右千牛備身佐環衛更蓋厘三

原蓋田尉仍有大故三從集作從同位繼授許州臨潁汝州龍興

令推以直道二邑齊風哥舒懼戶河南黥集作鯨寇猗驚黎人播

越表公為河南尉糗糧芻茭戎備畢給版圖田洫民事時又遷

揚州錄事叅軍實吳鉞集作楚之大都會也政令煩拏貢奉叢沓

一日不葺鑄譙四至公為之優游有裕長史司徒杜公與之揖

讓夷集作於賓僚入為太子曰議郎拜歸州刺史崑險湍悍人

類鳥獸古號難理公克有聲遷永州刺史朝散大夫惟是南楚

風浮俗鬼戶為胥徒家有襍梗大者虐鰥孤以盜邦賦斂愚蒙

以神託言恃于政經莫有禁禦公於是脩整部吏黜侵凌牟漁

者數百人以付信于下而征貢用集擒截妖師燬蕪蒿淮昏者

千餘室以舉致群枉而田閭克和寬以容物直以率下邦人方

安其理措紳猶鬱其望體魄遽降哀何有窮嗚呼公前夫人徐

州叅軍滎陽鄭鉅文有子曰義和早夭後夫人萬年尉范陽盧

彤文嘉淑之德繼聞宗族有子曰貽哲貽儉克承于家洎公之

兄子曰勵曰禮誠願誌于墓無忘公之德銘曰

孰為德門清河濬源雋芳著慶集作遠哉法法又作其流法法自葉流根世有

頭豔揚其清芬炳煥集作炳煥增華昭于後昆惟魴與鯉舊史孰集作

是尊孰為茂功尚書清風藹其有融勃焉而興披草從龍布令

諸夏敷和六戎赫矣太陽克昇于中孰為惠政公嗣餘慶形于

誼詠小程其性功大遂其黠吏是省妖風以正于邦于家集作

於于邦又作克揚休命孰為遺愛公去昭代邦人斯痲始焉是賴于邑

今也何載集作孰葬我公于洛之會何以銘之徽音不昧

試大理司直兼貴州刺史鄧君墓誌銘 前人

君諱某字某南陽人漢司徒禹之世也曾祖倚皇建州浦城集作

連州普令祖少立皇滄州司馬考邕皇右集作武衛兵曹叅軍

惟君敏給以御下廉忠以承上幹蠱之稱洽於諸侯謹信之跡

彰于所莅故自始仕以至沒世未嘗無聞焉初以試太常寺奉

禮郎更職於劔南湖南江西前後連帥咸器其能以柄於事於

劔南則亭擬閱實以循蜀本官刑盡哀敬之情致淑問之頌寬

猛之適克合於中於南湖則外按屬城內專平隼益音人錫石之地叅鳧氏鼓鑄之功溢山告祥國用益贍吏無並緣以巧法人無怨讟以苦役人凡集作處斯識莫能加焉於江西則旁緝傳置下繩支郡俾無有異政以一於詔條財賦之重侍君而理無何邕州經略使路公恕奏署試大理評事兼貴州刺史叅惟幕之任董龜虎之威夷俗敬愛革面受事朝廷將以武定南服命安南大校御史中丞趙良金為邕州復以君兼招討官錄其異能奏加司直昇招討副使兼統橫蠻疑作蠻集作廉貴三州事尤首之下直道有立獷悍之內義威必行賦增而不擾法一而無憾然以憂慄間於多虞卒成耳目之塞道致齒牙之猾元和五年五月二十一日疾卒於公館年後春秋二十餘萬言又著六經解園人文集未就有謀略尚節氣調人之急出貨力猶棄糶糶

十貞元十六年終于柳州有子四人曰贄曰某贄十三年矣哀禮具焉京兆尹弘農公始由湖南為江西再以君為從事知之最厚痛君之能不施於劇任惜君之志見屈於群疑且以誌授宗元使備其闕古者觀其所使而知在上之德今也觀其所使集註而知在下之誠嗚呼可無辭乎銘曰

勇姓之裔司徒隆漢惟君是承有植有

集作其

幹始屬奉常出叅

藩翰議讞西蜀平其狴犴巡視南楚總茲條貫負遷化居貨殖攸贊改煎鎔範貢輸增筭既飭財賦亦專傳館去牧荒陬肅其聽斷啟敷以息暴戾斯運行非選事進不避難始賴其寧終聞見憚疾與憂積忠集作志是隨魄散年極中身葬茲高岸才耶命耶君子興歎

和州刺史

四字集作連州員外司馬

凌君權厝誌

前人

年月日尚書都官負外郎和州刺史連州司馬富春凌君諱準卒于桂陽佛寺先是六月告于州刺史博陵崔君曰余嘗學董帝書切脉視病今余肝伏以瀋腎浮以代將不臘而死審矣允余之學孔氏為忠孝禮信而事固蜀本大謬卒不能有示乎世者命也臣道無以明乎國子道無以成乎家下之得罪於人以謫從集作醜地上之得罰于天以降被罪疾余無以禦也敢以鬼事為累又告為老氏者某曰余生於辰今而遇集作乎戌辰戌衝也吾命與脉叶其死矣乎吾罪大懼不克歸柩於吾鄉是州之南有大岡不食吾甚樂焉子其以是葬及是咸如其言云孤夷仲求仲以其先人之善余也勤以誌為請嗚呼君字宗一以學梯聞于其鄉杭州刺史常召君以訓于下讀書為文章著漢後以不能媚權貴失御史權貴人死乃復拜侍御史號為剛

年二十以書于丞相丞相以聞試其文日萬言擢為崇文館校

書郎又以金吾兵曹為邠寧節度掌書記涇之亂以謀盡佐元

戎帝有大功累加大理評事御史賜緋魚袋換即度判官轉殿

中丞集無此字侍御史府喪罷職後遷侍御史為浙東廉訪使判官

撫循罷人按驗汙吏吏人敬受厥績以懋精然而光聲聞于上

召以為翰林學士德宗崩邇臣議祕三日乃下遺詔君獨抗危

詞以語同列王佐畫其不可者十六七乃以旦日發喪六師萬

姓安其分遂入尚書乃以文章侍從由本官叅度之調發出納

姦利衰止以連累出和州降連州居母喪不得歸而二弟繼死

不食哭泣遂喪其明以沒蓋君之行事如此其報應如此夫人

高氏在越孤四人南仲殷仲在夫人所未至執友河東柳宗元

哀君有道而不自於天下離慙逢尤天其生且又同過故哭以

為志其詞哀為銘曰

噫凌君生不淑學孔氏揚茶集作芬都好謨謀富天祿讎禁書贊

推轂觀靈龜獲貞卜集作徒東越翊明牧罷人蘇汙吏覆升侍

從躬啓沃匡危疑興大福吏尚書徒隸肅佐經邦財用足道之

躡身則辱烏江垂九疑麓仍禍凶遺茲酷能知命無怨毒罪不

泯死猶僂何以葬南顧曲魂有靈故鄉復封茲壤歸骨肉為之

銘志陵谷

柳州刺史柳君墓誌銘

子厚諱宗元七世祖慶為拓跋魏侍中封濟陰公曾伯祖奭為

唐宰相與褚遂良韓瑗但得罪武后死高集注作中非宗朝文粹皇

考諱鎮以事毋棄大常博士求為縣令江南其五十五年某

月日返葬於潭州某原夫人隴西李氏大理評事練之女年三

直所游皆當世名人子厚少精敏無不通達逮其父時雖少年

已自成人能取進士第蘄然見頭角眾謂柳氏有子矣其後以

博學宏詞授集賢殿正字集作授校書郎後傑廉悍議論證據今

古出入經史字粹百子踔厲風發率常屈其座人名聲大振一

時皆墓與之交諸公要人爭欲出我門下交口薦譽之貞元十

九年由藍田尉拜監察御史順宗即位拜禮部員外郎遇用事

者得罪集本文粹作十九年拜監察御史王叔文韋執誼用例

出為刺史未至又例貶文粹有州司馬居閑益自刻苦務記覽

為詞章泛濫停蓄為深博無涯涘而自肆於出水文粹有間元

和中嘗例召至京師又偕出為刺史而子厚得柳州既至嘆曰

是豈不足為政耶因其土俗為設禁州人順賴其俗以男女質

錢約不時贖子本相伴則集注沒為奴婢子厚與設方許悉令

贖歸其尤貧力不能者令書其傭足相當則使歸其質觀察使
下其法於他州比一歲免而歸者且千人衡湘以南為進士者
皆以子厚為師其經承子厚口講指畫為文詞者悉有法度可
觀其召至京師而復為刺史也中山劉夢得禹錫亦以集無在
遣文粹中當詣播州子厚泣曰播州非人所居而夢得親在堂
吾不恐夢得之窮無辭以白其大人且萬無母子俱往理請於
朝將拜疏願以柳易播雖重得罪死不恨遇有以夢得事白上
者夢得於是改刺文粹無連州嗚呼士窮乃見節義今夫平居
里巷相慕悅酒食遊戲相徵文粹逐詡詡強笑語以相取下握
乎出肺肝相示指天日泣涕誓生死不相背負真若可信一旦
臨小利害僅如毛髮比反眼若不相識落陷穿不一引乎救而
集作無反擠之又下石焉者皆是也此宜禽獸夷狄所不恐為

而其人自視以為得計聞子厚之風亦可以少媿矣子厚前時
少年勇於為人不貴重顧籍謂功業可立就故坐廢退既退
又無相知有氣力得位者集有推故幸死集作於窮裔才不為
世用而集粹無道不行於時也使子厚在臺省時文粹自持其
身已能如司馬刺史時亦自不斥斥時有人力能文粹舉之且
必復用不窮然子厚斥不父窮不極雖有出於人其文學詞意
集作必不能自力以致必傳於後文粹作不能自如今無疑也
雖使子厚得所願為將相於一時以彼易此孰得孰失必有能
辨之者子厚以元和十四年十一月八日集粹作十月卒年四
十七以十五年七月十日歸葬集作萬年縣先人墓側子厚有
子男二人長曰周六始四歲季曰周七子厚卒乃生女集有二
人皆幼其得歸葬也費集作皆出於文粹無觀察使河東裴君

行立行立有節槩重然諾與子厚結交子厚亦為之盡竟賴其
力葬子厚於萬年之墓者舅弟盧遵遵文粹作可人性謹順學問
不馱自子厚之斥遵從而家焉逮其死不去歸往葬子厚又將
經紀其家庶幾有始終者銘曰
是惟子厚之室既固既安以利其嗣人

文苑英華第九百五十三

登仕郎胡 柯 鄉貢進士彭 叔夏 校正

文苑英華卷第九百五十四

誌二十

職官十六

崔號州玄亮墓誌一首

鄭滁州即墓誌一首

邢歙州羣墓誌一首

李處州方玄墓誌一首

號州刺史贈禮部尚書崔公墓誌銘

白居易

唐有通四科達三教者曰惟崔公公諱玄亮子晦叔其先出於
炎帝至裔孫穆伯受封於崔因而命氏漢初始分為清河博陵
二祖故其後稱博陵人曾祖悅洛州司戶叅軍贈太子少保祖
光迪贈贊善大夫考抗州揚司馬兼通事舍人贈太子少保集
師妣太原王氏贈晉陽郡太夫人公卿少師季子解褐補祕書
有校書郎從事宣越二府奏授協律郎大理評事朝廷知其才
銜授監察轉殿中歷侍御史膳部駕負外郎洛陽令密州刺史

公集有既字至蚤蜜民之東餒者賑卹之疾疫者救療之齒體集作

未殯者命藏塋集作葬藏之男女過侍者為嬪集作趣嫁娶之三月而政

立二年而化行密人悅之發於謠詠換歙州刺史其政如密先

是歙州集無此字民畜牛馬而生駒犢者官書其政吏掾為姦公既

下車盡焚其籍孳息貨易一無所問先是歙民居其集無此字山險

而輸稅米者擔負跣涉勤苦不支公許其計解納緡賤入貴出

官且獲利人皆忘勞農人便之歸如流水朝廷聞其政銜拜邢

部郎中謝病不就俄改湖州刺史政如密歙加之聚羨財而

代逋租則人不困謹茶法以防黠吏則人不苦修堤塘以備旱

歲則人不飢罷民集作民賴之如依父母入為祕書少監曹州刺

史廉御史中丞謝病不就拜太常少卿遷諫議大夫屢上封章

言行職舉上召對加金紫以獎之假貂蟬以寵之未幾朝有大

獄人心惴駭勢連中外眾以為寃百辟在庭無敢言者公獨進

及奮危言觸鱗天威赫然連叱不去分遂置笏伏陛極言是非

血淚盈襟詞竟不屈上意稍悟容而聽之卒使罪疑從集作惟輕

實公之力既而真拜用集作目旌忠臣由是正氣直聲震耀朝有

搢紳者相賀曰集作皆曰國有人焉國有人焉公以為名不可多

取退不必待年決就長告徑遵歸路朝廷不得已途拜太子

賓客分司東都公濟源有田洛下有宅勤誨子弟邀招賓朋以

山水琴酒自娛有終焉之志無何又除虢州刺史蓋執政者惜

其去將欲馴致而復用之大和七年七月十一日遇疾薨于虢

州廨舍天子廢朝一日贈禮部尚書周行士林聞者相弔宗族

交友靡不出涕遺直遺愛公兼有焉嗚呼公之將終也遺誠諸

子其書大略云吾年六十六不為壽官至三品不為不達死生

子其書大略云吾年六十六不為壽官至三品不為不達死生

定分何足過哀自天寶以還山東士人皆改兩京利於便近惟

吾一族至今不遷我沒宜歸全于滏陽先塋正丘首義也送終

之禮集作務從儉薄保家之道無忘孝悌吾玉磬琴留別樂天

請為墓誌云爾夫人范陽盧氏先公而歿有子九人長曰焜通

事舍人次曰芻言罕言舉進士次曰綬集作中牟尉其下皆幼

稚焜等哀毀孝敬號護孀妻以九年四月二十八日用大葬之

禮歸窆于磁州昭義縣磁邑鄉北原遷盧夫人而合祔焉遵理

命也公之丁少師憂也退居高郵其地卑濕泣血卧苦者三載

因痼集作痺其兩股焉逮于終身集有不能趨拜從弟仁亮甯

謫巴南歿而無後公先命長男焜護喪歸葬後命幼子聽繼絕

承祧自宗族及朋執間有死無所歸孤無所依者公或祭之葬

之或衣之食之或婚之嫁之俟齋二家之類是也故閨門稱其

孝羣從仰其仁交遊服其義可不謂德行乎公幼嗜學長能集

善屬文以詞賦舉進士登甲科以書判調天官入上等前後著

文集凡若干卷尤工五言七言詩警策之篇多在人口其餘製

述作者許之可不謂文學乎公之典蜜歛湖也理化如此集作

可不謂政事乎居大諫騎省也忠謹又集無如此可不謂言語

乎公夙慕黃老之道集作齋心受籙服氣鍊形暑不流汗冬不

挾纊膚體顏色冰清玉温未識者望之疑神仙中人也集在湖三

載集作歲修三元道齋每集無輒有綵雲靈鶴回翔壇上九而

去之集作前後置齋七八而鶴來儀者凡三百六十其內脩

外感也集無如此可不謂通於大道乎公之晚年又師六祖以

無相為心地以不二為法門每遇僧徒輒論真諦雖耆年宿德

集作皆心伏之及易簣之夕大怖將至如八三昧恬然自安仍

於遺疏之未乎筆題云暫悴敲石火即空即色眼暫榮生化許
時為客今歸去大曆元年是我家其解空得證也又如此可不
謂達於佛性乎摠而言之故曰通四科達三教者也居易不佞
辱與公遊者三十餘年老分深定為執友况奉遺礼託為斯文
且慙鄙陋不敢辭讓銘曰

滏水之陽鼓山之下吉日吉土載封樹嗚呼博陵崔君之墓

徐州刺史鄭公墓誌銘

前人

周宣王封毋弟栢公于鄭厥後因封命氏為滎陽人鄭自栢公

而下平簡公而上世家婚嗣咸載詳集作于吏謀故不書公諱即

字某五代祖諱某北齊尚書令是諡集作為平簡公曾祖諱某下

邳邳集作郡太守王父諱某衛州刺史皇考諱某祕書郎贈鄭州

刺史公即祕書弟三子好學工詞賦舉進士中弟判入高等始

授郟城尉無何本郡守移他部州民有暴悖者相率遮道麾呵

不去公忿其犯上立斃六七人採訪使竒之奏置支使改浚儀

主簿轉大理評事兼佐漕務集作彭果領五府奏公為節度判

官會果坐贓連累僚佐貶光化尉移向城尉歷北海尉時安祿

山始亂傳檄郡邑邑人孫俊鄧羅伽毆市人劫廩藏以應公時

已去秩因奮呼率寮吏子弟急擊之殺俊羅枷盡殲其黨由是

一邑用寧朝廷嘉集作之擢授登州司馬尋轉長史累加朝散

大夫人為太子左贊善大夫尚書屯田員外郎太子中允出攝

淄州刺史俄改集作萊連州有善最詔授檢校司勳郎中兼侍

御史充青萊登海密五州租庸使太尉李公光弼鎮徐州奏公

為節度判官改太子左諭德屬海州沂州饑盜賊起詔除沂州

刺史充海密沂三州招討侍加正議大夫賜紫金魚袋公惠威

舊著北至部而蒼山賊帥李浩與其徒五千來降由是三郡底
定復入為衛尉少卿相國王公縉統河南奏公為副元帥判官
未幾除秘書少監兼除州刺史本州團練使居八載政績大成
大曆十三一作二年二月十五日薨于揚州權窆于某所享年七
月有八公凡七佐軍四領郡俸不積大衣食無常主常歎曰以
飽暖活孀幼以清白貽子孫是吾心也速啓手足卒入其志先
是太夫人嘗寢疾公衣不解帶髮不擲者彌年侍疾執喪憂毀
過禮公尤善五言詩與王昌齡王渙之崔輔國輩聯唱迭和名
動一時迄一作速今著樂府詞播人口者非一晚賦思舊遊詩百
三十篇亦博於代前夫人清河崔氏贈清河郡太君後夫人博
陵崔氏贈博陵郡君生子七人文七人長子雲逵有才名至刑
部侍郎京兆尹公由京兆累贈官至散騎常侍刑部尚書次子

微終潤州司馬次子公達

一作達

有至行初以公年高不就仕及

居憂廬墓泣血三年淮南節度使本道黜陟使洎朝賢表高高
叅等累以孝弟稱薦嚮名教者墓之今為侍卸史上柱國滄景

節度叅謀次子方達衡州司士叅軍次子震陽

二字集作農

當塗集作

富陽縣丞次子震弼

又集作弼

幽軍叅軍公字捐館殆踰三紀家國

多故未克反葬至元和五年移

集作始

遷于鄭州新鄭縣某原柎

先祕書塋二夫人從焉時京兆已即世諸弟在下位獨侍御史

銜恤考

集作襄

事孝備終始見託追謨銘于墓石銘曰

世祿德門斯之謂可久懿文茂績斯之謂不朽二千石之祿七
十八之年斯之謂貴壽內史顯揚柱史之孝行斯之謂有後嗚
呼鄭公榮如是哀如是又何不足之有

七友刑渙思諱羣牧大和初舉進士弟於東都一面渙思私自約曰邢君可有後六年牧於宣州事吏部沈公渙思於京口事王并州俱為幕府吏二府相去三百里日夕聞渙思飲助并州鉅細舍宜後一年牧奉沈公命北渡揚州聘丞相牛公往來留京口并州峭重八幕多賢士京口繁要游客所聚易生譏議并州行事有不合理者不入渙思必能奪之同舍以為智不以為顯并州以為賢不以為僭侵游客賢不肖不能私諭議集作譏以一詞公事宴懽渙思口未言足至缺若不圓牧曰往年私約形君可友今真可友也盧丞相商鎮京口渙思復以大理評事應府命今吏部侍郎孔溫業自中書舍人以重名為卸史中丞牧以補闕為賀客孔吏部曰中丞得以卸史為重輕補闕宜以所知相告牧以渙思言中丞曰我不素知願聞其為人牧具以京

口所見對後旬日詔以為監察御史會昌五年渙思由戶部員外郎出為處州時牧守黃州歲滿轉池州與京師人事離闊四五年矣聞渙思出大喜曰渙思果不容於會昌中不辱吾御史舉矣渙思罷處州授歙州牧自池轉睦歙州相去直西東三百里問來人曰邢君何以為治曰急於東縛黠吏冗事弊政不以久遠必務盡根本牧曰邢君去縉雲日稚老泣送於路用此術也復問閑日何為曰時飲酒高歌極歡牧曰邢君不喜酒今時飲酒且歌是不以用繫集作繫慮而不決於守郡也復問曰日食幾何曰嗜彘肉日甫食牧凡三致專書曰本草言是肉能閉血脉弱筋骨壯風氣嗜之者必病風數月渙思正握管兩手反去背仆于地竟日乃識人果以風疾廢舟東下次于睦兩扶相見言澁不能拜語及家事曰為官俸錢事骨肉親友緣集作手皆

盡蓋壯未期病病未期死今病必死未死得生至洛幸矣妻兒不能知矣君進士及第歷官九歷職八始太子校書郎協律郎大理評事監察御史京兆府司錄殿中侍御史戶部員外郎處州刺史歙州刺史職為浙西團練巡官觀察推官度支巡官再為浙西觀察推官轉支使為戶部員外郎判度支案伐劉稹為制使使鎮魏科集作科軍食賜緋服銀章初副李丞相回再副高尚書銖撫安上黨三面征師大中三年六月八日卒於東都思恭里年五十邢氏用分次子靖淵封為邢侯國滅因以為氏西漢宇為太尉子緩為司空曾孫世宗光武時為騎驃將軍世宗玄孫顥因居何間顥當曹魏時叅太祖丞相事終於太常邢有河間南陽居實河間人太常後也後至晉魏已降皆有官祿唐麟臺郎仲集作中舉於君為曾祖麟臺生奉天令待封奉天生維

氏丞至和君即緱氏子兩娶前夫人隴西李氏忠州刺史佐次文今夫人南陽張氏壽州刺史植文四男曰懌集作懌温集作温即壽即用某年某月葬于偃師縣某鄉某里某原葬有月日其孤立使者哭告于柩來京師請銘銘曰十五知書二十有文三十登進士五十終刺史才能温良并包與之而止於斯七政在天一迴一旋差以斃數能窮如集作知賢者多天不肖壽考誰為聖魁孔不能究無可奈何付之以命日如命何

處州刺史李君墓誌銘

前人

君諱方玄字景業刑部尚書贈司空貞公長子也貞公事憲宗皇帝兄弟受寄西集作四鎮在漢南時戰淮西未利監軍使崔談峻讒言中入為太子賓客後淮西平李光顏移鄭滑陳許無帥

帝閑讌獨言曰勁兵三千集作萬誰可付者談峻侍則曰有大臣

家不三十口俸錢委庫不取小僮跣足市新此可乎帝曰誰為

者談峻進則集作即以貞公言帝即日起貞公為陳許帥其儉德

服人如此景業必有文學年二十四一貢進士舉以上弟昇名

解褐裴晉公奏以祕書省校書郎校集賢殿祕書聰明才敏老

成人爭與之交後以協律郎為江西觀察友使裴誼觀察判官

有殺人獄法曹官煨集作斷成當死者十二人景業訊覆數日內

活十二人寬人集無尚書以上下考奏裴公移宣城授大理評

事團練判官後尚書馮公宿自兵部侍郎節鎮東川以監察御

史集無此裏行為觀察判官不一歲御史府取為真御史分察

鹽池左藏吏盜隱官錢數十二字集萬獄竟遷左補闕遇事必

言不知其他丞相固言以門下侍郎出鎮西蜀奏景業以檢校

禮部員外郎叅節度軍謀事仍賜緋魚袋銜拜起居郎出為池

州刺史始至勅造籍簿民被催役者科品高下鱗次此比一在

我至當後役之其未及者吏不得弄景業賞集作歎曰沈約身

年八十手寫簿書蓋為此也使天下知造籍役民庶少活復

定戶稅得與豪猾沈浮者凡七千戶袞入貧弱不加其賦堤州

南五里以涉為衢凡裁減蠹民者十餘事城東南隅樹九峯樓

見數千里鑿齊山北面得洞穴怪石不可名狀刊石於崑下自

紀其事凡四年政之利病無不為而去之罷去上道老民攀哭

景業季父刑部侍郎連與貞公以德行文學俱高一時時之秀

雋半歸李氏問下京業復聰明少銳儉苦温謹卑與長者游備

知天下之所治弊慷慨有意於經綸少在諸侯府入為朝官出

為刺史蚤夜勤苦為學不已屈指計量必伸已志雖時之名士

亦以許之罷池廉使常公温館于宣城會昌四集作年四月某
日卒于宣城客舍年四十七集作七代祖遠後周柱國大將軍
都督熊集作陝十六州陽平郡公曾王父珣玉綿州昌明令昌
明生震集作雅州別駕贈左集作僕射生負公遜先夫人滎陽
鄭氏贈本縣太君後夫人范陽盧氏男若干女若干人銘曰
顯莫識其端幽莫見其緒已乎景業何付與之多而奪之何遽
天顏病冉孔子不知其故於景業方杳欲何語嗚呼哀哉

文苑英華卷第九百五十四

登仕郎 柯 鄉貢進士彭 叔夏 校正

文苑英華卷第九百五十五

職官十七此下六卷英華所編 失作者先後合正之

王司馬墓誌一首 張長史承休墓誌一首

呂司戶處墓誌一首 趙長史墓誌一首

孫司馬嘉之墓誌一首 李司馬墓誌一首

申州司馬王府君墓誌銘 陳子昂

君諱某字某先太原人也昔周文王有聖人之德甲子受圖至
我靈王誕膺丕顛太子晉得鳳皇之瑞恭揖羣后上為帝賓繇
生人作我王氏追秦有賁翦并吞諸侯晉有渾祥功格帝室至
魏集作魏集作至 慧龍為貴種矣十二代祖卓晉常山公主子也始公主
湯沐邑在汾陰永嘉淪夷不及南度因樹松集作櫟而結廬焉
卒葬于長壽原至今鄉有太原之號也曾祖亮周開府儀同上

大將軍隋信州刺史樽俎之帥集作師也祖儉隋離石郡守唐石

州刺史贈代集作岳州摠管廣武烈侯社稷之器也父諶唐虞部

郎中荊州大都督府司馬商壁鄜許冀五州刺史加銀青光祿

大夫瀘州都督金水敏侯上柱國廊廟之才也敏侯有功於國

始賜土田白茅苴之在鄠之曲因食菜今為雒州人君即敏侯

之元子炳靈珍粹輝采幽黃愿而能集作以恭寬而以粟青衿開

道已光大矣天子立太原學所以養賢公子藍上庠所以觀國

君之休烈泉集作淵塞志業雲翔年若干為國子生其年集作中射

策甲科解褐補吳王府參軍事時吳王帝之愛子國選英僚君

三德允彰六行既穆與某郡劉孝孫首先集作光此舉誦詩三百

和淑其仁而醴酒不恭楚筵亦廢坐除滑州錄事參軍又轉隴

州錄事參軍時樂成公劉仁軌以宰相之貴持節此州曖然惟

中主諾責下君機集作提綱未幾羣轄載孚劉公坐嘯以為能也

舉遷汾州平遙縣令其地有臺台左作傳駘之恠蟋蟀之人君黃鼎

介中鳴琴不下鍾鼓既考風俗允和帝曰良哉而格我政加朝

散大夫遷岐州扶風縣令若尹翁歸以文武之幹緝熙此邦黃

圖雖寧赤丸未入君以先集無先字唐斷甲設距投鈎赭裙始繩聖

佇才制加朝請大夫授申州司馬屬太夫人有羸老之疾棄集作

去官不之白華增勤綠衣是慕至於朝哺集作盥夕膳候色承歡

饒饒齋栗蒸蒸不匱有若楚太子集作萊之為嬰兒也嗚呼吳

天不弔降此鞠凶太夫人以眉壽薨時君年以七十二矣禮以

飲酒而君絕漿虞以降哀而君泣血煢煢在夜樂樂棘心集作樂

其新穀未升匪我己殞以某年青龍癸己薨于某里弟之正寢

孝之終也嗚呼哀哉昔聖人五十而慕先子謂之至德今君七
 十二而盡其哀非敦篤允元深仁淑德者疇能離此哉夫人農
 揚氏隋內史侍郎丹川公演之孫女也幼有淑德而美令儀採
 繁昭華穠荷比秀至於內嚴閭訓外匡君子麟趾以穆鷄有章
 誠可道映公宮事宣彤管晚年以儒困集作未究宜業唯深遂
 揭無生之筌將遺有漏之屣顯潔道行受蓮華經理極翻三心
 滅不二邪妄緣盡歸真化冥歲在丁酉處順而往始我府君以
 縣車之歲從負米之勤夫人亦能肅恭晨昏嚴之左右夫至行
 莫大於孝崇義莫顯乎忠君克勤於家盡力於國刑集作于妻
 子至於朝廷夫嗛而不與物或有違唐而無適義所以北君好
 謙達禮研機成務摹其法器無不馴從其事政無不理夫用我
 者而豈徒哉嗟呼務而能廣集作利而不流百行允備三事不

階臧文仲其竊位歟柳下惠其直道歟有子四人長曰某官至
 武連縣令先公而卒次子某等肅奉嚴訓景行高山達于家邦
 光集作禮樂未號罔極泣血昊天始府臨終遺令薄葬墨龜未
 食青鳥不封權殯于某所需告兆也龍集己亥律躔應鍾金鷄
 鳴玉狗吠黃賜密啓丹旄徐飛始遷神於某原之陽禮也青龍
 在左朱鳳居前雙衾共封三室同穴珠玉不瘞丘壠誰傳刻此
 金石以旌後賢

恒州長史張府君墓誌銘

張銳

君諱承休字某吳郡吳人也留侯興漢播美西京長沙集作
 吳蔽蔓東土曾祖冲在陳為文帝師入隋為漢王學士祖後胤
 授經太宗尊之以為集無祭酒既封新野又贈以宗伯考水師
 位不克量止於朱陽宰班固稱世名忠孝魏武謂積善之家昌

門一系暉我諸族君受天馘穀傳家業藝希言敦行去華崇實
非法不由非禮不動精於理物敏於政事初以南郊齋郎補充
州兵曹丁太夫人憂廬墓三年加人以等再任始州司倉應八
科舉改鄭州錄事參軍又舉賢良方正遷揚府州集作司錄參軍
移蘇州常熟令歷政皆有能名加朝散大夫八為司農丞實掌
錢穀姦僂息望使覆囚嶺南是司獄訟聽折惟允乃授濟源令
風行畿甸河潤洛師加朝議大夫上柱國拜絳集作州司馬轉
恒州長史簡而有孚權而中道中道嬰風患集作去職就醫還
京春六十有二終于頌政里夫人成紀郡君天水秦氏廬陵郡
公行師之孫嗣公遊福之女敬事君子訓成諸孤當代之孟母
者集無也年六十二終于許州開元元集作年十月某日合葬
於武功之禮讓原禮也夫道大難合仕屯而不進德高者集作

後身沒而福流君同生八人半服銀艾祚胤五子率為挂璋比
迹於燉煌六龍南鄭千室德門濟美信有衛乎懼陵谷或遷乃
勒銘沈石銘曰

思之留侯時惟皇祖長沙南守分幹東土家道書門傳學府崑
義重世通經二主誕靈上詰克廣斯文造次仁義優遊典墳孝
乎事親忠乎事君猗那叔父亦足有云

玄州司戶呂君墓誌銘

前人

君諱虔字某其先東平人也堯之太岳始封呂侯周之太師實
表齊國河西則霸王繼氏集作代集作關東則丞相聯華近徙河間是
稱右族大父贇隋幽州都督府長史考師滄州清池令並振羽
儀馳聲郡集作都集作邑公孝悌天至禮樂混成千里聞騏驥之才五
都重琅玕之價壯士行去樹勲於塞垣君子之何陋於蕃郡以

上柱國為玄州司戶參軍積善襲於家風餘慶流於身後享年若干而卒夫人清河縣太君傅氏四德爰備六行聿脩始則賓於冀妻終乃訓成孟母春秋若干而終開元十四年某月合葬於州城西南里之平原禮也我有令子職司馬於小山我有叔孫偶乘龍於大樹榮哀之事于茲畢矣銘曰

堂堂呂公休有令德穆穆傳母順成內則兩譽齊振雙儀不慝集作景行山東風流河北有生必謝誰能獨存神寧故里合葬

中集作原劔暗泉室松寒墓門勒銘沈礎萬古何言
許州長史趙公墓誌銘
張九齡

公諱某字某天水隴西人其先受賜于周所食者趙下逮襄子大為諸侯至集作于謀孫克用保國有公有伐無代無之曾祖

某隋尚書左右僕射淮安集作郡公祖某金紫光祿大夫殿中

監贈工部尚書武強公父某符璽集作即皆發聞馨香世祚蕃衍不高位者則人望焉公博師舊業允迪恭集作懿包君子大

雅之量有古人獲心之實修詞以達其道則質文相半履行以顧其言則剛柔並克弱冠以門子調補湖州參軍轉相州司兵

叅軍學以入官思不出位格言清論始誦今行屬太上皇養德在藩擇賢為吏公首其舉王曰爾諧於是引為相王府戶曹參

軍轉法曹參軍其龍德既亨鶴鳴有應往而利見縻以好爵乃授朝散大夫雍州錄事參軍綱領諸曹罔有不率秩滿除洛州

伊闕令事舉其中斂從其薄惠小鎮大徇公滅私政之在人今而遺受儀遷徐州司馬未幾轉陝州司馬許州長史千里將騁

六轡斯柔得之自心動而中節故其四參州事再入府寮一宰畿邑三為郡佐莫不所居而績宣其用所去而頌因其跡豈亦

苟然厥繇尚矣開元八年春二月疾革乙丑終于官舍春秋若干某年冬十有一月庚午歸葬夫人崔氏祔焉公自然淡泊不屑勢利守道貞固與命推遷故歷年多所移官數四不過參佐而已豈亦直道之六乎然而卑以自牧約而能濟推厚居薄內安其仁急病讓夷外多其義不曰君子其能爾乎有子曰令言次曰令則泣血加人柳情就禮哀愬寃宥之事恭惟先君之德驗之所履附之斯文以傳無窮以慰罔極銘曰

猗嗟令德寬仁合道景行行之風流肆好名取公器為身善寶集作志所以立政所以宣入官為允莅事其然是儀是式不忘為身不愆今也終古後之克祚子孫煙祀春秋霜露茫茫九原斯焉求慕

宋州司馬先府君墓誌銘

孫述

府君諱嘉之字某魏郡武水人也故屬安樂蓋齊大夫書之後至晉長秋卿道恭子曰顛避地河朔後世居焉顛五世孫魏光祿大夫惠蔚為本朝大儒自時厥後不墮其業公即光祿玄孫也曾祖孝敏隋大業中并州晉陽縣令所居之聚聊設衡關至疑為晉陽里祖仲將皇朝鄆州壽張縣丞父希蒞皇朝韓王府典籤自晉陽至府君四世而傳一子故五服之內無近屬焉府君四歲而孤無所怙恃外祖劉氏傑困官居于潞之涉縣府君自幼及長外族馬依克自激昂允迪前烈弱冠以文章著稱因北遊太原涉西河以觀陶唐之風河汾之間有盛名矣垂拱載初之際始詣洛陽獻書闕下極論時政言多抵忤所如不合遂投跡太學託名常調天冊中以進士擢第與崔日用蘇晉俱為考功郎中李迥秀特所標賞父視初預拔萃與邵昃齊瀚同昇

甲科解褐蜀州新津縣主簿又補河南府緱氏縣尉改王屋縣
主簿府君少好攝之術自王屋授訣於司馬先生便欲罷官學
道而官徵祿簿曰疑門無儲宗黨孤取無所仰給繇是願効六
百石長史馬歷洛州曲用宋州襄邑二縣令秩滿之後遂絕跡
人世屏居園林怡神太和以適初願居數歲秩疑長子某拜中
書舍人實掌絲綸皇上以府君有義方之訓特授朝散大夫宋
州司馬仍聽致仕手詔褒美親族榮之享年八十三以開元二
十七年四月二十四日棄昔於東都集賢里之私第府君性聰
即而志高邈學該百氏而不為章句文窮三變而尤工氣質早
有大名晚從卑位於是知命之不偶道之不行隨時委運澹然
無營而疇昔輩列平生雅故當軸處中者多矣蓋未嘗跬足而
近之恬於勢利乃如此也然所莅之職必悉心為政不以少而

易之人到于今遺愛矣爾其閨門之教子孫之謀猷之必遠誨
則無倦萬古不假於誚讓太丘唯聞於遵疑誘保又於後無慙
古人夫人廣平宋氏蒲州安邑縣令斌之孫滑州司士參軍都
之女淑德賢行深慈至柔有子四人皆著名於詞學有女六人
俱涉跡於圖史非獨府君之善訓亦有夫人之內則焉享年六
十以開元十年十一月二十三日先棄昔於河陽別業逃適遭
迨等遭天不愁遺降此鞠凶創鉅已深荼蓼又集求惟宅兆未
立精靈未安猶力厄瘞尚存餘喘即以府君為世之年八月十
二日遷厝于邙山陶村之西原合祔焉禮也北據岡阜南瞻城
闕一以託川原之勝勢一以近庭闈之故居諸孤等亦願朝奠
几筵暮掃松柏往來密邇以寘哀懷伏惟遵靈安此真宅小子
痛極豈復能文泣血書事言多矣失緒其詞曰

惟先府君不隕厥間克惟厥訓惟先夫人慈範是經柔德是程
昊天罔極曷其報德敢述舊聞言豈為飾

揚州司馬李公墓誌

李華

公諱某字某趙郡高邑人也。在昔咎繇謨明玄元道德武安之
功秦人息甲廣武略淮陰東西疑作魏則中書為臣齊則常侍
參佐命佐丞動鄰邦明詰于周隋水部才冠時倫訓迪于忠孝
國朝則蒲州之仁政趙州之懿德趙州生晉陽尉諱某道崇位
卑鍾慶身後官婚人物為山東上族五百餘年矣公少孤以經
明行修登第直崇文館授雍丘尉屬國家升中秦山縣當馳道
徵責萬計臨事無違居至卑而不折當大務而不撓外兄許公
蘇尚書邈特親重之秩滿考六經覽羣書手抄二百卷觀其大
一作義歷交城尉無何丁丙艱紫毀終禮授榆次尉裴尚書佃

先為太原尹廉廉察河東引公在幕賢者知勸不仁者懼既而
從調朝廷詔有司精求令長公以崇壁之安鍾彝之重屈為蕭
令邑臨古汴之衝每歲為害公因租之集兩稅一石置於水濱
沿之為防水不敗稼蕭人賴之徐方歌之則政之利人餘可知
也選授太原府法曹參軍事大都阜殷囂訟填積公鏡其詐實
皆叶身中太原王之北門枕扼夷夏屬狂胡首亂悉衆來攻公
撫該登陴左右軍師完城池漬凶醜有力焉詔加朝散大夫遷
太子洗馬拜右諭德進階正議大夫東宮圖書已逸有司命公
留北部蒐訪焉淮南節度故相崔尚書圓表公為揚州右司將
任以州政方祖道遺厲而終年六十六廉德二年六月十三日
也長子規前刑部員外郎兼侍御史次子觀故沂州水縣丞次
子大觀故太原府榆次縣尉次子峴前汾州平遙縣丞幼子觀

前左監門衛率府兵曹參軍事泣血茹悲哀號萬里求仁者之
助於江湖奉迎裳惟於太原歸安洛汭禮罔不備某年月日窆
於某原禮也規有公遺風國之才臣嘗為晉州吏職中外宣力
王室聞於天下公其不亡矣公有文有武簡而能肅不伐其勞
推其美於人神明質高疑如山孤味道於老莊還性於禪惠每
涉免必危陷患無傷宜然禮順疑若靈助蓋德之所至者也嗚
呼位不尊壽不遐時邪命邪華於公諸從鴈行為公所知感規
之孝祗述盛烈以慰諸孤之心其銘曰
貴為候伯未日赫百大之特所稱者德神錫純嘏道無違者淮
南鎮揚為右司馬嘗莅蕭人蕭人以淳嘗掾大原功宣北藩艾
綬銀章大夫之尊春秋匪懈榮於寢門宜其末世天胡降戾仁
而有子哀號萬里維嵩之偶維汾之淚我卜我筮壽宮脩止與

天無期寧極於斯子孫百代拜手於斯

文苑英華卷第九百五十五

登仕郎胡 柯 鄉貢進士彭 叔夏 校正

文苑英華卷第九百五十六

誌二十二

職官十八

崔判官汪墓誌一首

常倉曹元誠墓誌一首

李長史鋒墓誌一首

唐推官款墓誌一首

李司錄雍墓誌一首

權叅軍隼墓誌一首

蕭兵曹惟明墓誌一首

劔南節度判官崔君墓誌銘

常衮

故人清河崔汪字巨源舉秀才校文尋佐戎衛遷廷尉評辟荆襄益三府春秋若干大曆四年月日遇疾終于成都官舍以已酉歲律中南呂庚辰之辰返葬於鳳棲原龜從也惟先德世勲焯叙前志祖仁聖父綱位不配才佐郡貳邑而已公志經炳文義精格峻斯孝本義篤近周親定交後求忠告善道達則兼濟

否則艱貞天寶之難覩萌晦跡族行導漾儉德全身陶融太和
不嬰物累而辟書狎至傳駟旁午不暇棲伏俛而受命竟支於
諸侯咨以書奏籌畫之事杭詞中病動不求合老將嘆惜大豪
雄張正色檢御革心畏憚從容儒服以靜邊荒夷險終始坦然
一致初郭英又鎮蜀政暴及禍公以嘗所辟用難言之不行終
全節守義遂與妻子居巖石之下不復袂於故府矣及相國衛
公式是南邦旌禮賢士待以坐幄盜訪戎政議者謂翰飛紫霄
邈其遠矣志士方展國華中零哀哉蓋君子耻食浮於人不患
無位故曰孔門不稱其官閩潁川尚慙於鄉長公始以文顯中
以道勝終以義全斯亦成名矣何必乘軒服冕方謂之達矣然
以有王霸之略通質文之變不得與公卿大夫高議明庭鬱湮
重泉知者悼惜旅襯南下浮江阻寇夫人河東薛氏故水部郎

中據之文也二人死明誓崩戚感動潛舟夜風及柩湍險神明
所護川后安波出千萬死之中克此九原之葬可謂貞烈孝婦
軌儀壺教嗣子師周十一歲而孤危身過毀以余先君之舊見
託銘述詞曰

元和內融齧鑠孔純學滔泉源文鬱春雲儉德處難超然世氛
即戎邪歌偃息中軍叅以天時合於兵機道行則妄言廢則危
終保風節蜀人高之英靈沉埋旅襯流離哀哀孝婦上訴蒼昊
金柩巴江歸魂蜀道田橫舊曲季布餘軛一閉泉扃千秋蔓草
范陽郡倉曹叅軍京兆常公墓誌銘 獨孤及

永泰二年五月七日有唐故衢州刺史魯縣子京兆常璆第三
子范陽郡倉曹叅軍諱元誠葬于少陵原先瑩夫人范陽盧氏
祔焉從周禮也公少時爲坊州叅軍歷襄州司法試守棗陽縣

令其授蒙城令凡五遷至范陽倉曹初安祿山以范陽叛劫費
元元以殺整衆士之因官因居而困窘顛躓墮園中者數千計
兇威所及不死則汗公掾吏也在偽署任守溷跡伴狂冀以病
免盜憎之乃加害焉春秋若干夫陽九厄會天地鞠凶燎火炎
炎玉石何訢是歲天寶十五年也嗚呼人皆筮仕必以廉平公
幹稱於州里人誰無死死則名不辱志不奪不嚙盜哺以易其
生生且不苟其事君事親之禮不待史氏而自明矣在官必聞
則居家正身與朋友臨財之節可知矣有子曰彤龍鍾崎嶇於
阻險之中十年不克返葬哀有何極歲在乙巳冬某月始跋涉
太行恒山之路以公之喪葬自某原集作至自某郡是公孝弟吏部郎
中元曹既得吉卜痛天倫之歡莫之追也願以君之忠於君恪
於官友於家之德之美以播後嗣庶幾陵岸遷而德音不磨謬

以及為習於禮者故使為誌其辭云

天地橫隕三象霧集作霧非方梟獍擇肉鸞鷲懼方明夷于飛罹其

故方美玉寧折質不汗方子子孫孫荷餘裕方

越州長史李公墓誌銘

梁肅

大曆己未八月癸丑故尚書北部郎中集作員外渤海李公卒享年

六十十月某日權窆于某鄉原嗚呼公諱鋒字公頴脩人也其

先自後魏幽州刺史高城公雄四世至皇朝太常博士善信善

信之孫曰文素以文章知名舉秀才曆伊闕尉文素生勝尉于

馮翊之白水蓋公之父也鳳閣侍郎平章事武功公蘇味道其

外祖也公器宇魁異集作梧英風集作風神明邁中立不回旁通多可

初不以祿仕為意用朋酒自嬉游江湖間交必一時之選言必

可大之業相國張平原鎬之鎮江西也聞而器之表為協律郎

兼上饒令公用仁愛恤惻剛明肅豪右不及一年上饒之人如
熱遇濯亦既報政彭城公劉尚書晏以狀聞詔遷晉陵令為治
加上饒一等郡守李公栖筠尤重之待以賓禮時公以發硎之
器連宰集作尹二邑征鎮者聆其休風方昭集作招是佇不暇陳宣州
少遊表言其授監察御史叅宣歙軍事無苛慝遷殿中侍御
史換工部郎中部從事部無闕政因條奏至京師當國者偉公
之才將寘于朝公辭未復命遂以侍御史旋介本使東遷於會
稽與公俱東永泰未妖賊殺郡將以叛其師敗亡賊集作餘黨詐
服公以單騎往安其民一旦收隱隱集作隱字三十人殺之以徇三
衢之人道路相慶人到于今稱之無何有北部之拜乃兼越州
長史既罷歸休于無錫私弟道有所不通公淡然自居其志愈
礪加以率性弟悌睦親接士財必分人衣無常主和樂扇於閨

門信讓達于家邦其進也致身以從政其退也卷懷以自牧其
亡也知與不知皆為歎息嚮非懿識全才其風可懷則曷以臻
此予忝從公遊也久故錄其實以紀之因用表墓銘曰

才宜處貴德宜受福允矣比部曷其不淑融和風集作氣綽綽曠

度踈通且仁柔惠有裕登車持斧厥績方茂力命蹇乖陰陽已

寇閱川不駐廣厦摧構夜臺陰陰何日復晝

鄜坊節度推官大理評事唐君墓誌銘

權德輿

君諱款字嘉言比海人曾祖貞休皇比部郎中何南少尹祖詡
太子洗馬考試河南府士曹叅軍代有懿行遠承華構君清方
敏厚幼有立志與伯氏文編講藝修辭知名於士友間其文華
浹洽而長於比與其義行潔修而篤於友悌貞元初舉進士甲
科解巾補宮衛紀綱掾右輔守臣封辟士表為支使轉左領軍

倉曹明年復調為左金吾胃曹因喟然曰吾三命不越於環列
其道蹇歟滿歲宴居吟咏情性而已會故人彭城劉景通授天
子推轂之重于洛郊集作郡辟書既至命書繼下以迂尉評事理

軍訟未幾請急省冗子盛山又東南至于雲安間閔巴峽嬰冒
霧露俄而景通入覲為冬官司空方欲盛薦君於獻納侍從之
列景通既沒集作列非左右曹中執法多所引重而枕疾不起悲夫

時二十年秋八月壬子其年四十有九昔崔駰管輅官不過長
岑令少府丞而當時之翕然扇巧言進取蒲志者可勝道哉夫
闕紛綸從右所歎初娶馮翊嚴氏興元長帥相國太保公之女

不幸早亡繼娶天水權氏華州司士叅軍隼之女予之從祖妹
也有明敏集作識淑行為六姻儀法結褵周遭月懼栢舟之痛遺
亂之始集作方振可哀也哉予與文編周旋於文章道義二十年矣

故辱君之歡亦舊淮湖睽阻京轍會合合姓集作地怛化在旬歲
之中寢門屑第情何有極冬十月庚寅其孤輝既得吉卜窆于
萬年縣義善原且虞丘夷谷變不可以不識遂為銘曰

一氣云云浮休滑潛英華未伸奄忽歸根于嗟乎嘉言于嗟乎
九原刻此清芬

太原府司錄事叅軍李府君墓誌銘 前人

君諱雍字某趙郡鄆人曾祖集有為萬安皇鄒平郡丞祖頊贈

鄭州刺史父日知皇銀青光祿大夫黃門侍郎侍中戶工刑部
三尚書君承靡麻覆露而資性私厚有詞藻工篆隸起家太子
通事舍人轉太常寺主簿年甫成童卓然有立志歷都水監丞

長安丞轂下難理號為稱職丁太夫人韋氏憂免喪猶毀不交
人事尋詔除太原府錄事叅軍已抱沈瘵以開元十九年夏五

月歿於長安昇理享年三十五集作四十三噫嘻以侍中公之寬

明正直忠孝於君親書在國籍為景雲賢相宜其子孫昌阜有

帝平之慶而義方積善所及不過於丞吏都吏未強仕而夫斯

命矣夫人范陽盧氏殿中侍御史敷之女司勳郎中游之妹華

宗淑先行歿者三歲有子女之仕至晉州洪洞縣令愷悌之化

行於鄉黨命屈其才亦不至大官洪洞之子曰鄧州新野令彬

萬年尉彤陳州太康主簿彩太公廟丞衫前明經或等以吏以

文脩集作循守家法君初嘗謂洪洞曰吾家伐壤樹在周鄭之郊

延陵羸博豈限故土苟吾啓手足必促擇不食之地而歸焉故

君歿之歲秋八月權窆於萬年縣龍首原厥後七十有七歲彬

彤等君內憂恐哀襄事因竭誠信脩集作循祖禰之志啓君之窆

遷柩于京兆府奉先縣漫泉集作泉鄉保長集作長里從考集作考

也與洪洞君庚甲分宄昭穆列次聿脩之義情理無違而彤又

狀其祖德請刻墓石抑予之重表甥也嘉其忠孝而銘之其詞

曰伊昔侍中實相睿宗以孝以忠穆然清風乃生良士博物集作約

仁義坦坦居易鬱堙下位家有孝孫卜茲鮮原刻勒清芬藏于

墓門

叙父故朝散郎華州司士叅軍府君墓誌銘

序曰洪範叙三德五福之道而德存集作在乎人福繫乎運時未

光大則卷而懷之始以清行厚德遺諸子孫而已公諱隼字子

鷲天水略陽人十二代祖安丘敬公諱翼為前秦司徒代有勳

德以至四代祖平涼公諱文偉集作誕歷開府儀同三司涪集作非

常二州刺使曾祖滑州匡城縣令諱崇本王益州成都縣令集作尉

諱無代烈考許州臨潁縣令諱伋初平涼之先三葉開國匡成
以降世名文行公績承茂緒祇服家法有大易之鳴謙中庸之
慎獨慥慥其守孳孳其勤中立而不易方夷道而不由徑故克
家無玷干祿有聲天寶末州里舉經明屬幽陵叛換計偕中止
解巾試守河西尉真拜鄆陵丞時東郊不開遠難逃祿艱貞潔
自終出盜泉朝廷嘉之除楚州寶應丞是歲太夫人棄孝養刺
血寫大乘微言毀瘠過既既除喪為親戚所勉調補宋州宋城
縣丞孟尚書某方持郡節深相推重每歲考課居郡中最大曆
中授福昌丞貞元初改華州司士嘗辟彭城劉公蕭班國公之
府皆分事任實助經費所至之邦必聞異政所奉之主必以加
禮而又學古不怠歌詩必類緣情而不流體要而無害故祕
書包公謂公內外脩集作理心正氣和君子以為知言其道未

伸天奪之筭嗚呼貞元九年四月辛亥終于富平從事之官享

年六十一夫人陳郡殷氏皇曹州司法麗正殿學士踐猷之孫

清河尉宣

集作寅

之女故給事中杭州刺史亮其兄也今侍御史

郴州刺史永其弟也生德義之門襲猗那之慶自執筭

疑作筭主

饋逮四十年孝慈柔明六姻是仰學備箴誦言成禮法公之祿

甚薄而家甚肥中外無間言諸孤猶己子閨門之內和樂薰如

也既茹未已之痛護奉輜車東旋洛都八月癸丑遘疾癘終于

新安之別墅享年若干有男子五人長曰少成仕至桐廬尉次

曰少清以經術甲科次日某曰某皆以文學裕蠶稟公之義方

女子五人長適安福尉劉公範以適常州司倉齊暢其次未及

笄皆稟夫人之明訓少成等曾未半歲再集茶蓼思養於下如

不歆生銜恤恐哀竭其誠信以十月某月得吉卜於新安方山

南龍澗原禮也小子觀歲而孤夙承善誘且懼徽音行實之不傳于後與陵谷之有遷也謹用論譔哀而不文銘曰
惟叔父秉直清溫而文誠而明六試吏揚令名再從事有淑聲猗夫人懿純德倬婦行為內則樂申申恭翼翼文有家男述職天不傭降鞠凶道未行禍已鍾刻金石識丘封德不泯哀無窮

揚州兵曹參軍蕭府君墓誌銘

前人

君諱惟明字惟明南蘭陵人曾祖浚皇丹州刺史祖文遠皇睦州別駕考重暉皇金州別駕自丹州已降雖位不過守佐而皆以行義似續君即別駕府君之元子也天寶中舉秀才數上行過乎謙竟不得君申乙科時苟未至難巧力無所措其用否不可久後累為己所薦自明州參軍事至揚州兵曹掾凡四更集更官皆有理効多以名聞薦拜或參從事之列何非刃有餘而

用無滯疇能及此晚歲病風家于丹陽葆真樂一作和樽酒自

適輕財重義推誠於朋友之間不飾邊幅以曠達自任初君與

令弟故司封郎中惟則同以儒服游京師賢士大夫締交慕義

者如響郎中以通才歷職而君亦累名公所薦年位未至相次

凋落嗚呼以建中二年四月日所疾沈痼終于丹陽私第享年

若干以某月權窆于某所從宜也夫人扶風竇氏婦道柔明子

颯集潮集作汶等年未志學藐然無怙芻挽時集將集作行哀以求銘

銘集誌集作曰

南齊之後福祉荐臻厥生兵曹洵美且仁如何中路翳鳧荆榛刻石窮泉未志聲塵

文苑英華卷第九百五十六

登仕郎胡 柯 鄉貢進士彭 叔夏 校正

文苑英華卷第九百五十七

誌二十三

職官十九

元兵曹盛墓誌一首

蕭功曹墓誌一首

馬別駕墓誌一首

揚司倉墓誌一首

呂判官恭墓誌一首

盧司錄士瓊墓誌一首

任司馬佶墓誌一首

李長史則墓誌一首

河南兵曹元公墓誌銘

穆負

公諱盛字某河南洛陽人魏昭成帝之十二代孫皇金紫光祿大夫司膳卿汝陽公善應之曾孫集州司馬崇敏之孫處士履清之季子生有十有五年官歷憲府法寺宰邑掾京者十政以貞元十一年六月十五日卒于東都緩福里弟十月四日孀妻孤女奉喪歸葬于偃師首陽山之北原嗚呼哀哉公中竭於事

上孝終於報親許與然諾著于氣類其莅官也剛決堅利政用如金易人之所難敢人之所畏累佐戎府獨步神州肅肅羽義方漸于陸何年官偕半而不知者命迫焉初處士府君之逝也公二兄孟幼仲嬰公方孕太夫人則我迫姑采歸于我惟是內外同氣兄無常弟無常兄入學過庭鴈行三紀既而從官方始異門孟仲早落公終養焉嗚呼我伯姑深仁如天高行鄰古昔有三子今無一孫悠悠彼蒼與善焉在仁人之祀奄焉忽諸夫人河東柳氏從公致養奉公歸祔存歿成公之志賢乎哉女子貌爾未笄煢然主奠聞者悲之公方大漸以埏埴之名見託何以為報哀而不文銘曰

歸全舊丘列侍先人有知當樂無知返真

成都功曹蕭公墓誌銘

公諱某字某其先事具梁史蓋宣武皇帝七代孫也曾祖憬

唐宰相世系表名文憬

皇朝朝散大夫湖州司馬祖元祖

禮表作相表湖州

刺史贈太子詹事父詮大理評事昭穆相遺者曰清白孝友人稱之君幼以明經登第洎天下多事投家遠迹而所至文為或吏或賓報之如一歷佐曹州寃句杭州富陽二邑轉都水監主簿佐金吾衛兵曹調大理評事地官司國計使臣督王賦迭咨公以分其重公受命事集而輿頌隨之劔南節度使表公成都功曹掾廉佐蜀州戎事錫以章紱不幸過疾退閑于荆楚之間貞元八年歸故國于洛泃秋九月十四日終于痕俗里第春秋五十八其冬十月二日遷祔于某縣某鄉從先公居公之志也公之生也和其發也清其行也晦其用也明其文也餘力其學也存誠其從事也口不言祿其為善也心不近名是故歷仕無

報勞之寵終身無充量之榮泪沒下位推顏壯齡傳曰天下有道貧且賤為耻也若乃道富而家貧德貴而身賤才合二字跡高位下耻在夫天為耻在夫天為如蕭公者處退而退求仁得仁為耻為既非所耻則又何怨夫人某郡暢氏故尚書左丞某之子昔佐公義今成公家生男四人三子早夭一子曰範方齡而嗣毀如成人致纂導世毋幼孤之請見託為誌其詞曰于嗟古人不貴貴仕義猶重生德豈輕位猗歟蕭公其道不價何以表墓唐之君子

銀青光祿大夫行平州別駕馬公墓誌

歐陽詹

嗚呼死也者君子曰終有唐興元二年六月二十四日銀青光祿大夫行平州別駕馬公終于京師國喪英才家亡令子國之集作家國不幸痛貫所集作知公諱某字某其先京兆扶風人始實

趙氏累葉繼將多愬戎塞下有以因君今為燕之名流曾祖某

某官某祖某某官父某某官公則某官第某子也積弃世忠貞

之慶得陰方嚴勁之氣天骨山峻神姿玉耀集作神葱玉輝有孝有悌

閨門以和有信有義州閭以附矛戟韞器風雲馳聲燕趙多奇

士公其人也用正直奉籌略擁旄仗節者尊以果斷行政令探

甲執兵者伏前後佐全師大幕不有暫寧方將張翼翔雲揚鬣

游涓大命不末大疾集作病集作遘及享年三十三秦氏醫逢顏生禍

促哀哉夫人某處某氏子二人長曰縱次曰緒永念集作思集作之感

至性過人以貞元十二年歲在某月某日大通卜宅于京兆某

鄉某里某原禮也天長地久理集作堦集作川塹阜于何不有乃為銘

德于誌以三字集墓云

士以常弟集作士如瑜在珉燕趙多奇士集無公則其人業繼

忠貞識資籌略流器瑚璉羽族鵬鴉題輿大郡佐佑推師雖有

極德集作雖亦匪孤時南抑集作搏鵬更期遐揚集作東觀遊

水忽慈未往卜遠期集作斯集作及窆于此岡惟安惟求地又天長集作

地天長

朝議郎行鄂州司倉參軍揚公墓誌銘 前人

公諱某字某其先閔右弘農人永嘉過江公自始遷之祖若干

代處於閩越曾祖某皇唐循州司馬祖某漳州長史父某泉州

南安縣丞公則南安弟若干子長七尺骨自瑰異温良即行所

至自昭風神識度犀居不掩六籍外偏好榘道管子之術求泰

中以耕戰之法致集作效集作梁宋軍畫用有成大曆元年節度使右

僕躬田公薦授右集作武衛率府倉曹參軍事在位以其慎聞

公以不仕則墜業躁求則背道或出或處聖人為中依吏部鄴

文敬遵常調大曆八年集授吉州永新縣丞興元元年集授廬

州司曹集作軍貞元三集作年集集無授鄂州司倉參軍累

職貞慎如率府倉曹時每罷官待集卜勝屏居宴集作如也鄂

州秩滿愛其風土亦止焉集作愛其江山宅心焉貞元十二年冬又合集

春赴京帥遇疾於途以二月四日終于汝州龍興縣之逆旅時

年六十七凡入仕三十一年曆官四政祿非豐儉以足務雖劇

通以簡上以中正集作重下以公平矚背白珪無玷朱紋有聲

嗚呼公之材量如鍾含音如水待月集作大子當應方圓必答

公集作則不衡人胡不求莫能全展光耀以至殞歿悲大夫保

性居業時行則行時止則止道也公昔於名宦之理是焉仕祿

農耕猶生則營若死則已亦道也公昨之集作岐路之役是焉

公有以道始亡以道終至人不違道公與之周旋正矣乎善始

終者也夫人隴西彭氏戴天之感痛以禮成長子曰集無日晃

次子曰暈季子曰果伏凶集作之號以至見血以某年二月日

卜葬于某郡集作某原禮也佳城一閉他時古丘後之人孰知

丘中之德墓許有誌故為墓誌銘庶觀令為古者明斯地泉下

有君子焉銘曰一鍾植物貞則曰松英英揚公於人被物集作

於人被藝術潛弘温良內克名不稱實祿有負德天桃信美不

能秋敷冬日可愛日集作用西徂大限集作斯來無賢無遇英

英揚公與逝川俱卜宅集作脩原有形永圓集作東海之集作

山不易其廬集作嶺南即度判官呂公墓誌銘 柳宗元

嶺南即度判官呂公墓誌銘

呂氏世居河東至延之始大以御史夫人為浙東道節度大使
延之生渭為中書舍人尚書禮部侍郎刺湖南七州生四十温

恭儉讓以温為尚書即再贈至右僕射恭字敬叔他名曰宗禮

或以為字實惟呂氏宗子尚氣節有勇略不事小謹讀縱橫書

理陰符握機孫子之術曰我師尚父冑也大父洎先生咸統兵

今天下將理平蔡克冀幽洎戎猶負命早夜呼憤以為宜得任

瓜牙畢力通天子命作文章咸道其志亡又曰吾吾兄而上三

世世為追士吾文為不望教戒猶集作武事未克績厥緒因棄

去從山南西道節度府掌書記預謀畫不甚合以試守軍衛佐

加協律郎入薦為長安主簿復出以監察御史參江南西道都

圍練軍事府表進殿中侍御史為桂管都防禦副使元和八年

去桂州相國尚書鄭公遮畜假嶺南道節度判官至廣州病疹

集作瘧加滯六月二十八日卒妻裴氏戶部尚書延齡女有夫

夫子三人曰爽曰瓌曰特文三人曰環曰鸞曰倩皆幼行於道

而情又死遂以柩如洛陽柩葬如集作於大墓疑志呂氏世仕至

大官皆有道宜興於世温集有恭名為豪傑知者以為是必立

王功活生人不幸温刺衡州年四十卒恭及理人年四集作三是十

七又卒也世固有有其具而不及其用若温恭者邪恭貌奇壯

大有志信善容物宜壽考碩大而又不克呂氏之道惡乎與銘

曰

颯颯之風乎不可追有志之大乎今安歸呂君去我死乎吾誰

依

河南府司錄參軍盧君墓誌銘

李翺

君諱士瓊字德卿范陽人家世為甲姓祠部郎中融集作融之長

子明經及第歷寧陵華陽集作陰二縣主簿知泗州院事得協律

郎鄭少師之留守東都奏為推官得大理評事諱尚書代為留

守請君如初尚書節將陳許奏克觀察判官得監察御史府罷

歲餘除河南府戶曹以疾免河南戶重其能奏為司錄參軍八

癸酉發疾而卒年六十九君少好著文精晚吏事少遊故丞相

楊炎張延賞之門楊羨其文辭張每歎其吏材過人常攝職同

州當徵官稅錢時民競出粟易錢以歸官斗至十八九君白刺

史言伏請倍估納粟下以澤民上可以與官取利刺史詰狀君

辨其所以必然刺史行之民用得饒未一月果被有司牒和收

官粟斗給六十後刺史到欲盡入其羨于官君既去職猶止之

曰聖澤本以利民民戶知之不可以獨享刺史乃懸榜曉民使

謂餘價因以絹布高給之民亦歡受州獲羨錢六百萬其為戶

曹決斷精速曹不擁事及為司錄始就官承符吏請曰前例某

等一十五人合錢二千集無此二字僦人與司錄養馬敢請命因出

狀君謂集作曰汝試我耶使拽之將加杖承符吏衆進仰曰前

司錄皆然故敢請君告曰司錄崔不自有手力錢耶用此賊何

為因叱出之召主饌吏約之曰司錄判官文學參軍皆同官環

處以食精麤宜當一不合別二集無此字無踵舊犯吾不恕及月終

厨吏率其餘而分之文學參軍得司錄居三之一君曉之曰俸

錢職田手力數既別官品矣此殮錢之餘不當計位高下從此

後自司錄至參軍平分之舊事掾曹之下各請家僮一人食錢

助本司府吏厨附食司錄家僮或三人或四人就公堂餘食侵

撓厨吏弊日益長君使請家僮二人食錢於司錄府吏厨附食

家僮終不入官厨召諸縣府望吏告曰某居此歲久官吏清濁

侵病人者每聞之司錄職當舉非法往各白汝長宜慎守廉靖

以澠池令為戒其所改易皆刻已使人堪為故事及君卒士君

子相弔哭咸以為能高而位卑不副有子三人孺方嗣宗嗣業

號墓祇守不失家法女二人前娶清河崔氏女無子後娶滎陽

鄭虬之女有子故皆祔葬于祠部滎東北孺方叩頭泣曰夫人

先與先父集作嘗與先子同官而游宅居南北隣敢請紀石期不得辭

乃據所見聞者鐫其實可推類以知凡所從事之賢銘曰

嗟盧君性直而用優約已以利人宜壽宜貴以承時所難集作難

其緘而不伸以喪厥神豈奪惠于東民悲夫

信州司馬集作檢校工部員外郎任君墓誌銘 前人

君諱信字叔王樂安人殿中侍御史玄相集作植之孫靈府功曹

日新之君子少遭父喪養母以孝稱京兆尹崔光遠表試左清

道率府兵曹參軍勅攝富平縣尉知縣事及克復京師以功授

成都府犀浦縣丞又以優授涇陽縣尉吐蕃犯都代宗幸陝州

召募吏人保守佛寺寇不敢逼擢為本縣令充渭南集作北十縣

團練使及駕四京為同列潛構功不得論僕射裴冕寬而奏之

得長縣尉轉本縣丞歷太府寺丞未幾遷監察御史京畿館驛

使判官中書侍郎元載為潭漕使請為判官轉殿中侍御史又

檢校工部員外郎兼侍御史判官如故元載得罪君左授建州

建安縣集無此字尉及楊炎入相君以書戒之由是楊怒而不用又

移虔州司戶再授信州司馬觀察使鮑防集作非以為判官權知

饒集作詔州事遭疾歸卒于集作於信州權窆於州西原有詩有卷

前娶宗正氏女生男冀為邠州司法叅軍三女各為士妻後娶

杜氏女生子三人曰淑集作淑下同曰羨曰并女五人長女嫁長州

尉源咸季次文適權穎三女早卒少女二人未許嫁淑歷佐大

府以吏能有聲為度友振武營田使得試協律郎攝監察御史

元和十四年杜氏卒淑乃自信州奉府君之喪合葬于萬年柳

村從先人舊塋淑嘗與翽同事嶺南府翽知淑之賢集作才亟薦

於時故淑來請誌銘曰

士生于時方所貴者才有才無命方古今所哀噫

前歙州長史隴西李府君墓誌銘

府君諱則字某涼武昭王十三世孫大父獻眉州別駕時宰相

有請婚者力不可止因去官歸集作居家弟遇疾集作病暴卒別駕

燒一指以禱於神既而弟復生自說方就繫上帝有命以兄燒

指宜復其生別駕生令一侍中源軋曜以子求婚府君拒之固

以詞抵之既黔州彭水尉遂以壽終府君始十餘歲先夫人以

之從喪歸殯汝州由是依于舅放少好老子莊周之言與羣童

居集作遊盡能記他童之始集作所習先夫人學左氏春秋博該百

家之書故府君以經史浸閏力田供養由是少不肯求仕善草

隸書弓矢博弈皆得其妙既冠得濠州定縣遠集無尉假領他

縣令嚴而行吏急民寬富豪并貧民之產而不稅者盡以法治

之貧民用安罷職復還其初從事嶺南得試左蜀本武衛兵曹

於福建得試太子通事舍人大理司直授歙州長史宣歙觀察

使請為判官奏未下以疾卒年七十四夫人河南元氏壽州刺

史從之女年六十八先府君而終生子某子某皆未仕早卒女

子五人長女壻禮部員外郎鄭錫次女壻桂府觀察使杜式方

次女壻京兆常放次女壻滎陽鄭循禮小女壻密縣尉鄭公瑜

幼子克恭少讀書學文以兄舉進士家事自飾弗克求名故年

四十有六始奏授睦州司兵累遷試大理司直兼殿中侍御史

克鹽鐵推官寶歷三年三月克恭奉府君夫人之喪歸葬于鄭

州某縣岡原窰知克恭之材十三年矣故恭恭以府軍之葬來

請且曰將以六月庚申窰知克恭者若吾季叔又何何字集

辭銘曰德不稱祿鬼神何字集之責材優以賤台人不感非道不集

求曷計人爵慶蘊而傳後必有積其葬為誰孝子以卜集嘗祭食

吉嘉原乃蜀本擇合骨于茲終求其託何以識之有封有相

文苑英華卷第九百五十七

登仕郎胡柯 鄉貢進士彭 叔夏 校正

子好學善蜀文天寶中應明經舉及第遷授婺州義烏縣尉以清幹稱刺史希之晉知之署本州防禦判官無何租庸轉運使元載又之知假本州司倉專掌運務歲終課讀居多人集作奏

聞真受未泰中勅遷越府戶曹屬邑有不理者公假領之所至必理大曆中本道觀察使薛兼訓以公清白尤異表奏之有詔

權知餘姚縣令時海寇初殄邑焚田荒及營邑君四字集作公乃營邑室

創器用復流庸闢菑畲凡江南列邑之政公寇其首焉集無其此字

制邑關田增戶之績則會稽之謀地官之籍載焉建中初授楊

州倉曹參軍至四年七月二十六日疾歿于揚州江都縣私弟

集作歿于江陽縣之私弟春秋六十有二夫人清河崔氏鳳閣舍人融之姪

孫鄭州司戶集作昂之文婦順母儀集作訓為中外師集作中外師之貞

元二十年十一月十三日疾終于三原縣之官舍享年六十有

三集作二有子曰樞曰炎曰起咸以進士舉及第樞應制舉對直

言極諫策授集賢殿校書郎累遷監察殿中侍御史三原令炎

既第未仕起應博學宏詞科選授集賢殿校書郎昆季三人不

十年而五登甲科時論者榮之一文適范陽盧仲通樞等護號

集作號護靈輿以求貞元年十月二十五日遷柩于京兆府富平縣

淳化鄉之某原從吉兆也嗚呼夫懋言行蓄事業俾道積于躬

者在人也踐大官贊元化俾功加手民者由命也有其人無其

命雖聖與賢無可奈何惟公受天地之和積為行發為文宣為

用故在家以孝友聞在官集作行以清廉聞從事以幹蠱聞如金

玉在佩動而有聲其大者又常以經德秉哲致君濟人為已任

有識者心集作深知之宜乎作王者心膺耳目之官以經緯其邦

家而不為時生道為命屈名雖聞於天地位不過於倍臣鬱然

殞歿不展具用者集作鬱鬱然歿而不展其用者命矣夫古人士有明德大智

者若不當世其後必有餘慶今其將在後嗣乎不然者何乃德

行政事文學具美叢于公之三子乎天其或者殆將肥王氏之

家大王氏之門以甚明報施之道者也某不佞頃對策於王庭

也與播集作炎同升諸科焉祇命於憲府也與播連集作聯執其簡

馬及其集無此字為考文之官也又起在選中焉既集無此字辱與公之

二三子游而聆公之遺風之甚熟故作斯文無隱情無愧辭焉

銘曰一作淮非山道光淮水靈長繩繩子孫代有賢良將軍輔秦武功

仰揚孝簡翊魏文德閣彰降及於公實生于唐大智全才應用

無方作掾于郡三語有章承乏於邑一同載康展如集作矣之人

何用不臧直登大位俾紹前芳嗚呼百鍊之鋼集作金不鑄于將

十團之材不作棟梁公亦如之與世不當道不虛行後嗣其昌

平盧軍節度巡官李府君墓誌銘 杜牧

牧大和元年舉進士集作及字弟貢於集作鄉貢上都有司試於東都在

二都羣進士中徃徃有言前十五年有進士李飛自江西來貌

古文高始就禮部試賦吏大呼其姓名孰視符驗然後入飛曰

如是選賢耶即求貢如是自以為賢耶因神手不出明日徑返

江東牧曰誠有是人吾輩不可得與為伍矣後二年事故吏部

沈公於鍾陵宣城為幕吏兩府凡五年間同舍生蘭陵蕭宣京

兆韓又博陵崔壽每品量人之等弟必曰有道有學有文如李

處士哉者寡矣是卑進士不舉掌名飛者牧益恨木面其人宜

喜其人之在世也大和九年為監察御史分司東都今諫議夫

大李中敏左拾遺韋楚老前監察御史盧簡求咸言於牧曰御

史法當檢謹于少年設有與游宜得長厚有學識者因訪求得
失資以為官洛下莫若李處士戡牧謝曰素所恨未見者即日
造其廬遂旦夕往來聞咸元年春二月平盧軍節度使王公彥
威聞君名挈卑詞於簡副以幣馬請為節度巡官明年春平盧
府改君西歸病於路卒於洛陽友人王廣思恭里弟享年若干
君諱戡字定臣七代祖勃海王奉慈祖杠衢州盈川令父登婺
州浦陽晚無子夫人吳興沈氏夢一人狀甚偉捧一嬰兒曰予
為孔丘以是與爾及其其字集作期而生君因名曰天授君幼孤旁
無羣從可以附託年十餘歲即好學寒雪拾薪自炙夜無燃膏
默念所記年三十盡明六經書解決徵隱蘇融雪釋鄭玄至于
孔穎達輩凡所為疏注皆能長短其得失一舉進士耻不肯試
歸晉陵陽羨里得山水居之始開百家書緣飾事業每有小功

喪訖制不食肉飲酒語言行止皆有法度陽羨民有鬪諍不決
不之官人必皆以詣君所著文數百篇外于仁義一不閑筆常
日詩者可以詞可以流於竹鼓於絲婦人小兒皆欲調誦國俗
薄厚扇之於詩如風之疾速常集作痛自元和已來有元白詩
者纖豔不逞非狂士雅人多為其所破壞流于民間疏于屏壁
子父文母交口教授淫言媒語冬寒夏熱入人肌骨不可除去
吾無位不得用法以治之欲使後代知有發憤者因集國朝已
來類於古詩得若干首編為三卷目為唐詩為序以道集作其
志居江南秀人張知實蕭真諱又崔壽宋邴楊發王廣皆趨君
交之後皆得進士弟有聲名集作官職君尚為布衣然於君不
敢稍怠君在洛中因甚河陽節度使蕭洪移鎮鄜州諫議大夫
蕭叔以君言於洪素敬諫議即欲謁君以請君曰人間諱言洪

洪盜籍外戚一窺其面能易吾死尚且不恐死况為其黨乎居數月洪果敗娶弘農楊氏女早卒子二人長曰審之次曰鼎即始五歲以某年月權葬于常州宜興縣某鄉里某於君為晚交得君最厚因為之銘曰

命如烟雲道比

集作宅

宮道烟雲飄揚莫知往來為道不至無以

偃息有道有命偶然相值命不在我不肖亦貴豈可指此與彼

為布嗚呼定臣曰德孔循

集作循

曰學必聖飾

集作飾

我兢兢不一

集作一

言命可傳其心以教後生嗚呼哀哉

淮南支使試大理評事兼監察御史杜君墓誌

君諱鎮字勝之曾祖涼州節度使襄陽公贈左僕射希望大父司從平章事太保致仕岐國公贈太師佑皇考駕部員外郎贈禮部尚書從郁君幼孤多疾目視昏近先夫人不令就學年十

七讀尚書十三篇禮記七篇漢書至

集作止

賈誼傳不復執卷年

二十四明年當舉進士始握筆草

集作草

闕下獻與裴丞相度指

言時成合

集作各

數千字不半歲遍傳天下進士崔岐有文學峭

澁不許可人詣門贈君詩曰賈馬死來生杜顓中間寥落一千

年二十五舉進士二十六壹登上第時賈相國餽為禮部之

集作

二年朝士以進士干賈公不獲有傑強毀嘲者賈公曰我只以

杜顓敵數百輩足矣始命試祕書正字歷使判官李丞相德裕

出為鎮海軍節度使辟君試協律郎為巡官後貶袁州語親善

曰我聞杜巡官言晚十年故有此行大和九年夏君客揚州六

月授咸陽尉直史館君曰訓注必亂可徐行俟之至汴二兇敗

及洛以疾辭東下居揚之

集作州

龍興寺丞相牛

集作章

公僧孺請

君入幕府君謝曰李公在困未願副知已開成二年春日益昏

冬遂喪明李為淮南節度使復請為試評事兼監察觀察支使
凡牧自馮翊迎醫石生曰是伏集作腦脂下融名曰內障如蠟
塞管蠟去管明俟脂凝可以挾去無不愈者後二年石曰可治
治不效自馮翊別迎醫醫曰嗟乎障有赤脉如木根橫去牢不
可斷是法名曰日脚內障生日脚者治不可治君因居淮南等
室治生不復言治眼事聞於天下無不嗟嘆君安泰自如令人
旁讀十三代史書一聞不遺客來與之議論證引聽者忘去年
四十五代中五年二月二十五日卒男曰集作麟師年十歲女
曰署集作兒始五歲六年二月八日歸葬先塋實萬年縣洪原
鄉少陵西南二里牧今年五十假使更生十年為六十年不夭
矣與君別止三千六百日耳况早衰多疾敢期六十人乎恐不
抑哀以銘吾弟銘曰

古之達人以生為寄為夢以死為歸為覺

集作竟下同

不知生偶然

乎其有裁受乎偶然即泯為大空與不生同其有裁授集作乎
嗚呼勝之今既歸而覺矣其自知矣何為而然乎嗚呼哀哉

復州司馬杜君墓誌銘

前人

公諱詮字謹夫河西隴右節度使襄陽公贈司空之曾孫司徒
岐國公贈太師之孫司農少卿贈給事中之子公以岐公蔭調
授揚州叅軍同州馮翊縣丞衛尉寺主簿鄂州江夏縣令復州
司馬年六十某年月日終于漢上別業岐公外殿內輔凡四十
年貴富繁大兒二十餘人集作孫兒餘二十人晨昏起居同堂環侍公為
之親不以進門內家事條治裁酌至於筐篋細碎悉歸於公稱
謹而治自罷江夏令卜居於漢北泗水上烈日笠首自督耕夫
而一年食足二年衣食甬餘三年而室居集作屋完新六畜肥繁

器用背具凡十五十起於墾荒不假人集有一毫之助至成富

家公常曰恐耻入仕不緣妻子衣食者舉世幾人彼恐耻我勞

力等衣食耳顧我何如復授復州司馬半歲棄去終不復仕以

某月某日歸葬于長安城南少陵原司馬村先塋牧為從父涕

泣而銘曰集作涕泣而書銘曰

公侯之家所業唯官簿官集作業農墾荒室完入仕多耻以農

力勞等衣食耳勞力者賢歸全故丘慶期子孫集作孫子

邕府巡官裴君墓誌銘

前人

君諱希顏字某裴氏於百氏中獨標其族曰眷三分之為東西

中君東眷裴在國朝名位最大曰冕艱難中定冊立肅宗於靈

武而相之繼相代宗僅十五年國史有傳冕於君為堂伯祖父

王考某中郎州刺史娶宣州寧國令滎陽鄭某女生四男為首

生郎州為蓋屋河西令道郎二州刺史公廉剛簡彊於受人凡

閔百姓丁毫事與京兆君節度使爭論大聲於庭府間前如无

人元未嘗以校責治家家人有過失則論之論不變者出之為

良人終不恐牽鬻於市將終鄭夫人泣請遺令曰吾之殿驛為

蓋屋時役之今踰十年聽其老死慎不可賣言訖而絕君生浸

染仁父之化温良柔友窮君鄂集作鄂縣飢寒集有餘字二十年未嘗

出一言以愠不足司農卿裴及為邕府經略使辟君為從事得

南方疾歸大中二年某月日卒于集有某字家享年若干不娶無子

牧娶裴氏實君之私某弟覺泣來請銘曰

淑其性生無位死無子孰識其端

登仕郎胡 柯

鄉貢進士彭

叔夏

校正

文苑英華卷第九百五十九

誌二十五

職官二十一

李明府嘉墓誌一首

楊明府靈山則墓誌一首

楊明府鷗墓誌一首

權明府有方墓誌一首

白明府季康墓誌一首

隰川縣令李公墓誌銘

楊炯

公諱嘉字大善隴西成紀人也趙郡太守雍州大中正上開府
永康公之孫幽州郡督鎮軍大將上柱國丹陽公之子重華以
文明允塞謨九德於臯陶仲尼以恭儉溫良緇六經於柱史將
軍李牧人主願其同時河尹李膺天下思其執御况乎衣冠代
美祖考集有時家聲占於日月可宗集作周之姻集作姓誓以
山河則炎集作漢之刘氏公門承將相地積英靈望之儼然橫

斷山而鬱起聽其言也注懸河而不竭玉則秦王所見天照白虹劍則殷帝所傳星浮雲集作紫是氣假使蔡中郎之博學郭有道

之人倫何嘗不聞邈王繫而倒屣為茅容而下拜起家為太子

左千衛以調升也按河圖於玉版震一索而為長男考天象於

銅渾星前星而為太子直城霞遠曲障雲平出入青榜之門周

旋黑衣之列稍遷越王府戶曹叅軍越之建國也地居南斗之

躔王之受封也禮極東門之拜即爵集作邨霍所以隆懿親恭和所

以資明德一言而楚后即從集作收雲夢之畋三見而說趙王仍

襲二卿之帥又遷隰川令川原爽塏風俗和平晉獻公之胤夷

吾是邑代恭王之子郢客為侯漢書代恭王子義嗣其父為王楚元王子郢客上為侯今夷華

云代恭之子郢客為侯未詳而炯集乃云陽泉依六壁之城孟

津合三溪之水公以輜車就列墨綬當官有蠶績於邨人用牛

刀於魯邑市鄺無競不假鞭絲學校方輿唯聞擊石諸侯取其

軌則四海瞻其儀表為杜陵之男子誰繼集作誥後曹羨鄉里之

小人願辭彭澤於是退歸初服就養私門戲嬰兒於階下扶老

生於井上尋丁外難集作艱哀毀踰制加人一等俯就三年服闋

襲封丹陽公勲上騎都尉公以安車禮盛賜杖年高集作侵彼衣

先王之道優游太平之化左琴右書謀孫翼子居常飽德不言

何氏之萬錢直置當仁豈特于公之駟馬清風可賞必有鸞鳳

相期白雪時遊多以神仙見屬義形於金石節貫於松筠西山

五日之朝將化羽而生翼北海明年之一作大驗便展集作辰

而至已以求淳元年八月二十一日終于京師道政里之私弟

享年七十有二嗚呼哀哉長子隨州光化縣令守節等哀纏弟

鶴痛結鄰人孝之始也則身體髮膚所以全其性孝之終也則

衣裳棺槨所以成其禮天高八萬想京兆而可集作從地闊三

阡集作對佳城而有恨越弘道二年歲次甲申正月甲申朔二

十六日己酉陪葬於昭陵東南之平原桐檟櫟庸材瓶筍集作

淺器仰惟先友叨雅契於金環俯逮婚集作姻荷深知於玉潤

南容有道僅聞將聖之言東武建塋俄述文仁之賦集作嗚呼

哀哉乃作銘曰

爰初帝子堯之大理降及真人國之柱史衣冠百代慶靈千祀

吉兆占熊嘉名贈鯉聿脩厥德必復其始大孝因心至仁由已

肅成門內章華宮裏父任為郎學優則集作仕陽山之曲蜀江

之涘集作月且乘鳧田間狎雉其心若鏡其直如矢亟改炎涼

罷歸桑梓象賢舊國安車暮齒忽愴池臺俄悲生死郭門一望

郊煙四起夫復何言平生已矣

滑州匡城縣令楊君墓誌銘

常衮

嘗讀東觀漢記至楊公四世太尉咸有清德泱泱乎鄒魯之風

盡在丞相府矣百有餘年論道王室宜哉自後卿大夫洎二千

石史不絕書以及于公公諱靈削字靈削弘農華陰人也高祖

兵部尚書高都公尚希尚希生宜州別駕丹川公壽旻壽旻生

司農少卿徵徵生正議大夫漢州金堂縣令務道光昭先君之

懿範其後有于閔西乎公金堂弟二子也幼以五經上弟然卿

博陵貳職鄒鄒孫楚長楫相譚不樂一錄州事會稽稱之再領

縣尹自范至匡化行衛濮公易直子諒之心根於始矣加以好

學止于蓋棺德行孝悌温良博愛故宗族稱其仁朋友稱其信

鄉黨稱其敬蓋君子之歟及長從吏以寬服人官刑不行職事

益辨及與之邑亦克用之和氣充塞於百里頌聲洋洋乎至今

其良吏之政歟赤紱在股下大夫事知止足之分有終焉之志
懸車告老飾巾待期浮雲身世脫屣軒冕追先王於彭澤繼銜
士於太丘斯達者之流歟天寶十四年十二月十日寢疾于匡
城縣歸休之私第春秋七十有三屬賊臣以山東叛乃公歿之
明曰也且告車來甚衆胤子少殯故有關在邑南鄙於堂西序
啓足牖下土周于身十年于茲百戰之所折棟餘燼荒墳茂草
柱下史能季武公之嘉客衮之邠友廣德元年夏四月本詣河
外假道于匡訪於邠公之舊邑歸載侯于故里以其年十月一
日合柩原禮也夫人河東縣君薛氏婦道毋儀六姻取則歸處
葛之覃芳及公而終木已拱矣子環在外不及主喪其誰尸之
曰有三女無天何戴無地何履誓合泉壤感通神明終返營丘
竟同防墓空悲蔡文之孝有媿潘郎之詞銘曰

夫物云云老子作各復其根事有必至理有同然少陵右原京
兆新阡匡城夫人河東小君同歸此地豈恨重泉誌于方石庸
有賢人

犀浦縣令楊府君墓誌銘

符載

唐益州犀浦縣令弘農楊府君春秋三十九以大曆十四年冬
十月卒于郫縣之私第且迫多故權窆于是縣之近郊有才子
衡進士擢弟官曰左金吾衛倉曹參軍為柱陽部從事以貞元
十五年十月某日啓護于成都以十六年春二月某日歸葬于
鳳翔之陳倉某鄉某原從先塋也府君諱鷗字叔儀漢太尉次
子復之裔羽林衛大將軍襲觀國公之曾孫金吾衛大將軍漢
潤夔濮等六州刺史令深之孫朝請大夫絳州司馬昭獻之子
發緒洪流丕承和粹世詞厥德休有光耀府君涵五氣之英華

挺九流之上才端睦孝茲勇義而文年甫弱冠儔朋推揖鄉里
舉秀才未果銓遷司馬捐館崩迫歸絳營丘三年服除承順遺
命再射羿彀會大盜入國太上皇南巡以制科登第補脩前績
快快有遺意也解褐授隴州汧隴縣尉地衝賊要方急完禦公
以一尉之柄推挽令長驅徒走吏摧沮橫猾用張我師天子聞
而嘉之詔授大理評事參佐汾陽公幕府暮猷碩畫實詢我焉
是時公年及三十聲華隱發青萍出匣霜銑照人人既心畏我
之自負繇是有具錦之詩焉遂除成都府戶曹參軍事太夫人
在堂公養志氣奉遺體動無違顏唯疾之憂故州閭稱其孝也
孤寡稚弱族居百口饘褐齊一莫名我爾故朋友尚其義也有
從祖父誤淪罪網家為奴隸宗屬顧視咄嗟而已公破鬻田產
露坐佛寺不計旦夕悉以資贖世毋與太夫人重聯娣姒之歡

恥馬室妹奮出泥滓嘉偶于吉士故鄉黨服其人也於風流興
詠高標夔遠妻嫂姑姊妹郡從子弟又雅為文每良辰美景指
烟月酌琴酒未嘗不操觚拂現搜拾奇麗不出庭戶粲如瓊瑤
亦一門之盛永泰三載蜀將亂迫公不從之策塞門戶視死不
應相國杜公鴻漸景行操履奏授犀浦縣令涵牛之鼎用烹小
鮮一邑之禮固不待歌頌而知矣時視僚支杜負外甫岑郎中
叅郝舍人昂聞風聲望公飛翔請青且寥廓舉翼而至不幸殞
落隣乎短祚遠邇承風失聲咨嗟與善降祥其安在哉夫人李
氏趙郡之望族也祖崇饒州司馬考譔成都府法曹夫人貞懿
文淑風度明茂奉上撫不閨門穆然天寶十四載春秋十七而
歸於我在蜀前公二歲而歿故至是合祔焉倉曹少孤露始在
齠孺荼蓼辛螫厚自砥礪攻文種譽樹身須時克荷嘉聲君子

以為孝嗣矣某與倉曹為山林之友二十年矣迢遞萬里見託
為誌故一作得備采風烈銜恤為銘刻于墓門之石銘曰
寶鷄右地鬱穹崇芳高山大澤氣所鍾芳神歸卜宅安其中方
延休發祉方未窮芳

再從叔故試大理評事廉徐州蘄縣令府君墓

誌銘

權德輿

府君諱有方字某天水略陽人集有也字曾祖崇本皇朝散大夫滑
州匡城縣令祖若納皇右補闕起君即桂歛梓三州刺史考儻
皇杭州紫溪縣令代以儒門四科為家法故發於文則菁華施
於政則惠餘公承是休德飾躬踐行得詩之無邪易之通理凡
五授命皆以推擇曰左清道率府兵曹參軍太子通事舍人陳
州司去參軍亳州司士參軍以集有也字大理評事兼徐州蘄縣令

滿歲南浮

集作游

遘疾于途以貞元十六年夏五月歿于楚州之

旅館春秋若干夫人河間劉氏樂城公仁軌之玄孫也明智才

淑有子曰長孺弱冠舉進士甲科文行清脩直某其容水漿不

入以某

集作其

年某月日得吉卜於某地其引也蓋殯也以輿師

繁興遑歸窆於東周之大隧姑刻圓石書其略云公夷通直信

睦姻任恤位卑而志弘居約而家肥有為有守不疾

集作疾是

不跲

其初命再命宮衛贊謁雖未居真秩而四方之嘉招狎至其後

祿二邦奉六條受祿不誣實聞其政或攝頤通邑或分乘輶車

皆有裕人之仁急病之義及理於蘄也能遂物之宜不奪人之

時嘉惠蓋利洽於千室猶即墨桐鄉之理無不及也又嘗饋師

於回中從事於夷門皆有功利稱於其府其去蘄也西方節將

議委以謀猶介僕之重且謂弓旌之來稱也將以柱後惠文之

冠招公章既上而公大病斯可歎也集作猶子族子自暮及總

侍疾承計崩波塗潦又以見公風訓慈仁之所逮也噫噫集作意喜

是自匡城至公四代而三為縣大夫皆用循政聞且以兩漢那

曼容陳仲弓為準故不至豐祿加以梓州之懿文盛德排抑於

時道未光大終於郡節或者蕃祉必復其在後裔手此宗門所

以有望於公之孤之昌大也既而緘公理命命以論讓小子慙

然涕洟而為之銘曰

恭惟叔父信厚清厲有車翹翹將事匪懈掾吏二部文而無害

施化一同蘄人以火易象視履謂耆而艾奄然不淑力命相盤

楚挽虞殯風煙晦昧屬詞貞珉寧此厚載

溧水縣令大原自府君墓誌銘 白居易

公諱季康字某太原人恭武安君起之裔胄北齊五兵尚書建

之五代孫也曾祖諱士通皇朝利州都督祖諱志善尚衣集作醫

奉御父諱鱗揚州錄事叅軍公即錄事府君次子歷華州下邳

縣集無尉懷府河內丞徐州彭城令江州潯陽令泗集作宿元

和三年齊七年復置 州虹縣令宣州溧水令某年月日終集作

歿于溧水官舍明年某月日歸葬于華州下邳縣某鄉某原享

年若干嗚呼公為人溫恭信厚為官貞白嚴重友於兄弟慈于

子姪鄉黨推其行交游讓其才自尉下邳至溧溧水皆以廉潔

通濟見知於郡守流譽於明察才不遇集作偶時道屈於位而徒

勞於州縣竟不致於青雲命矣夫哀哉公前夫人何東薛氏先

公若干年而歿生二子一女女號鑒虛未笄出家長子某杭州

於潛尉次子某睦州遂安尉後夫人高陽敬氏父諱某某官生

一子二女女皆早妖子曰敏中進士出身前試大理評事歷河

東鄭滑邠寧三府掌記夫人在室以孝敬奉親為淑文既嫁以
柔和從夫為順婦及主家以慈正訓子為賢母故敏中遵其教
飾其身升名甲科歷聘公府以文行稱於眾以祿養榮於親雖
自有資兼集作財然亦由夫夫人誨導之所致也夫人以大和七
年正月某日寢疾終于下邳別墅享年若干以明年某月某日
啓溧水府君薛夫人宅兆而合祔焉禮也時諸子盡歿獨敏中
號泣喪集作事託從祖兄居易誌其集作墓石銘曰
繫我叔父溧水府君治本於家事政施於尉集作民繫我叔母
高陽夫人德脩於家室慶積於閨門訓著趨庭善彰卜隣故其
嗣子休有令聞

文苑英華卷第九百五十九

登仕郎胡柯

鄉貢進士彭

叔夏

校正

文苑英華卷第九百六十

職官二十二

高贊府墓誌一首

郭贊府墓誌一首

盧贊府墓誌一首

崔贊府墓誌一首

盧贊府峴墓誌一首

權贊府達墓誌一首

鄭主簿約墓誌一首

李主簿少安墓誌一首

韓主簿慎墓誌一首

崔少府泳墓誌一首

皇甫少府墓誌一首

獨孤少府正墓誌一首

宣義郎騎都尉行曹州離孤縣丞高君墓誌

銘

陳子昂

君諱某字某其先渤海裔人也因仕居洛陽集無今為陽翟人
昔楮鞭乘運襲赤帝之宗蒼兕膺集作期承太公之胤崇勳霸

業光烈猶存曾祖某北齊太子中舍人贈冀州刺史青宮近侍

光寵朝班阜蓋追榮恩崇國禮祖欽仁隋左親衛大都督檢校

秘書郎帶七尺劍使遊天子之階集作持三寸筆終入芸香之

閣父袖唐江州潯陽令舒州懷寧令絃歌之化身不下堂神明

之威蝗猶避境君即懷寧府君之長子也黃河一直青松千集作

萬仞性惟仁孝行實温恭文義必以潤身名節由其徇物唐龍

朔元年應集作有制舉忠鯁君對策及第試永州三字集作試湘

源縣尉位卑黃綬志在清規秩滿以常調補鳳州黃花縣丞梁

踈長懷尚勞州縣栢譚不樂空負琴書又轉易州遂城縣丞以

管轄之才從趙典之仁古人斯在君子居之大周革命任曹州

離孤縣丞而春秋已高日月方出武進美矣不待集作得夷齊之

臣文武都乎自循集作夏商之道於是因階秩滿告老歸閑閑

郊靡於南野習巖居於東澗詩書琴酒以觀先達之風山木丘

園將為遺老之賞天授二年歲在單閼七月二十日考終厥命

卒于陸渾縣明高之山莊時年七十有二嗚呼哀哉君雅高濤

節素履元亨懷古人之遠圖慕先賢之烈烈以為栢醜石榔非

合集作於禮經墨程桐棺實宜於聖典遺令薄葬務取隨時即

以其年十月日葬於北印山平樂之原禮也嗣子思恭孝思罔

極喪制過哀思封樹而緬懷恐東西而不志白楸為榔爰遵古

葬之儀丹漆題封即表永年之記銘曰

泱泱太風其太公兮穆穆君子紹厥宗兮忠鯁察廉仕漢宮兮

才高位卑考求終兮哀哀孤子號蒼穹兮歸葬平陸松栢拱兮

集作栢松 咸陽縣丞郭君墓誌

公諱某字某昔蔡邕叙有道之碑已詳姓氏司徒以廉直稱大守以仁明著祭酒之籌畫黃門之才理以祈于曾祖驃騎將軍光祿卿仁最祖汝州司馬茂禘父濟州刺史崇禮咸以文武孝謹傳于子孫公即濟州府君之長子也高朗有識奉親孝事上敬睦于兄弟信于朋友好言王霸大畧經術大義簡而無傲剛近于仁而能端本靜末仗雅居正年十二月老成之量季父崇點不以常兒見遇謂必大吾門伏波之言不敢失墮仲容之器居然宏達尋以明經擢第歷洺州平恩縣尉左金吾衛兵曹叅軍明恕貞恪清廉仁愛克施于政政有經矣故幕府三辟時稱得俊御史中丞李處右侍御史崔希逸節度使張嵩爰以將命之務誌焉公之佐廉問也旌別淑慝樹立風聲進厥賢良不仁者遠率由簡易希下按章從容以和大變其俗公護戎事也善用文韜制其邊患本詩書之義府資德刑之戰器軍吏緩帶兵車稅鞅譚笑樽俎疆隍晏然凡所介貳皆有卓絕之稱每歸功於上豈代帥受名而士君子多所推重方將萬里橫海一飛青雲三十有六年至于命天開元十八年四月十八日寢疾終於長安里第理命薄葬布車一乘而已不忘平生之儉以是後昆之訓惟公傳識強辯尤好理論至于搢紳風教得失之間處正其義不以錙毫假無物善與人交不改柯葉一時之俊千里應言分宅字孤謂之已任而特相交善者時則有若呂何梁涉涉厚狄履温終以偉才良器綢繆省闈每一拜命未嘗不相謂曰使君不歿吾輩豈先處顯地其精鑒雅望有如此者夫人安宅梁氏執禮之坊有儀可則哀敬以事宗廟謙柔以和娣姒栢舟之誓年在幼冲諸孤始孩一生所寄送往過禮撫存以慈魚菽

之祭以彰勤儉俎豆之訓不墜文儒時人謂之大家國史編於
烈女徽音淑行雅有餘芳開元十九年十二月二十四者終于
雒陽私第玄寢異室三紀于茲壬寅歲詔贈府君大理丞追封
夫人安定郡太守德盛流光禮徽優典永泰二年十一月日合
祔于金城縣太平原禮也嗣子大理丞繼侍御史絳夙遭閔凶
不及詩禮之誨尚賴慈獎幼彰令聞白簡持憲丹筆詳刑忠信
孝友合於純性悲夫欲養而親不逮再仕而心不喜春秋窳窳
痛結寒泉日月有時禮尊同穴蒸蒸之墓有感人倫以哀夙有
通家之好俾叙先君之德銘曰
世載忠孝有倬其道尊顯府君光昭祖考達識宏量汪汪浩浩
五經紛綸精義如神勞我州縣汨我風塵不屑其志與時屈伸
乃佐軍政戎荒底定乃登輶軒郡宜邑從令交則不黷久而益
敬有才無年零落重泉遺孤攷隧合祔終焉

舒州望江縣丞盧

墓誌銘

梁肅

范陽盧君諱某字某漢侍中尚書植之裔孫北齊民部侍郎范
陽伯士嬰之玄孫上蔡令彝倫之孫泌陽令某之季子其令德
甲集作族上以君孝發于內不懈于外禮極于上不遺于集作

下得太和之正性蘊明哲之茂器學以聚之問以辨之百行行
之一以貫之于祿代耕非近榮也安卑從政非離郡也弱冠舉

孝廉授舒州望江縣丞夫道德繫乎已窮達繫乎時惟天生德
於君而止諸下位卑道消乎當世十字集作不昇噫造物者不

其感歎享年四十有四天寶元年月日終于尉氏私館是歲權

窆于潁川之許昌里大歷七年月日胤子太常寺協律郎東美

初奉嚴訓以公之喪後一字集先大夫于陽翟之某原禮也夫

一作從

默而成之存乎德紀德音者存乎詞銘曰

顯允君子克廣德心邈乎其高淵乎其深雲藏于山風隲于林
時雨不降不聞其音性令元化形隨逝水天何言我命也已矣
山川有變方集無令聞不已

洪州建昌縣丞崔君墓誌銘

權德輿

君諱遴字某博陵安平人也六代祖北齊右僕躬昂以文學正
直周歷諸曹禮樂刑政所損益者十七八生隋水部司門二郎
中洽有風儀器上以世其家司生皇掖縣令曇首掖縣生武邑
令昭集作武邑生白水尉項生汾西令贈定州刺史昇之自掖
縣四世含德不耀君即之州府君之長子故相國古庶子安平
公其介弟也恬淡愿慤不遷於時仁子鄉黨友于兄弟大歷中
御史大夫贊皇李公之宣風于吳也聞其賢起家表薦集無為

常州武進縣尉跡聞集作知己心不近名俛視宦曹非其好也

連中初嗣曹王分閭案部于九江之西又以名聞轉洪州建昌

縣丞君喟然曰莊生於陵子吾之師也惡用是哉終不屑就先

是築室於昆陵疏清流蔭碧鮮樹藝偃仰有終焉之志貞元十

年正月日寢病集作終於其家享年六十三夫人范陽盧氏華

宗淑行動脩集作禮法其孤景伯等年未及冠皆專經趣善貌

然銜恤護奉輅車以明年十月某日歸柩于河南東原之舊塋

先遠故緩也季弟著作即述貞謀集作遜悌稱是是林抱終鮮

之痛主歸全之禮以德輿詳其所履俾為墓銘銘曰

公綽之道澹無欲方結集作身用晦言可復方視履考詳宜哉

穀方乃如之人胡不叔方周原舊封森拱木方於以寧神識陵

谷方

潤州丹陽縣丞盧君墓誌銘

前人

君諱峴字某范陽人自

元一有

魏已降官婚人物為天下清甲大

畧書于國史詳言在乎家謀今所書三業自曾王父衛州司馬
府君諱弘農初貞晦不仕公車銜拜生冀州信都主簿府君諱
友裕友裕生揚州高郵縣令府君諱相君即高郵之等若干子
奉前人之業講先師之訓以之克家曰亳州蒙城主簿楚州寶
應縣尉潤州丹陽縣丞寬敬莅事不希名譽故每當廉問薦延
之日集作日使臣陟明之譽皆遷延誨避時議多之清行懿名竟
用不振以大曆九年七月日寢疾終于官舍享年五十五其發
隴西李氏柔順有婦行嗣子某等諛于著蔡銜恤襄事以閔河
不靖未克以之從政直方謙厚卑不可踰筮仕三次不離州縣
之職歸祔遂以某月日權昔于縣之北原焉從宜也予僑居丹

陽嘗與君游故粗書事實以備刻石銘曰

生死法法如環斯循于嗟盧君於此歸根

再從叔京兆府咸陽縣丞府君墓誌銘

前人

府君諱達字某天水畧陽人曾祖崇本皇朝散大夫滑州匡城
縣令祖若納皇通議大夫桂歛梓三州刺史考僕皇深州平安
縣令自十二代祖前秦安丘敬公至四代祖平涼公皆有勲力
為通侯大吏自匡城至安平以文采政事為列城二千石家法
休聲貽于後昆府君以士行吏理平端簡實大曆初調為家令
寺主簿曆同州馮翊縣尉河南府登封主簿京兆府咸陽縣丞
居之必聞考績得之必由綜覈中外之姻或據戚里都侈鄉未
嘗巧從以去窮約且以枉道由徑食浮於人為誠大率每十歲
徙一官故曆三紀而四受祿勤官肅事不誘於長上循理蹈和

不攝

集作攝

於健羨其有常歟其難進歟貞元十九年歲在癸未

秋七月士戍感風疾終于新昌里享年六十先是夫人南陽張氏明茂有禮法亦天奪其壽府君周繞既除三月而鞠凶及悲夫之子墳等謀於族屬家老以明年春二月己酉祔真宅于萬年縣龍首原謹書官次以納幽窆銘曰

幽丘而下睥睨圭組直昌廊城仍

集作乃

代啓土乎涼策勲梓州

懿文家諱德風儀刑薦紳時惟叔父低服丕矩始仕宮卿乃從左輔周旋二畿坦坦安卑遵道而行不競于時脩短奄忽兮嗚呼涕洟崇岡羨禩兮永識于茲

河南府洛陽縣主簿鄭君墓誌銘

穆貞

鄭君諱約字某元魏中書令周小司空金鄉文公穆之七代孫皇朝東都留守京兆河南尹福建觀察使御史大夫懿公叔則

之家子擢明經調太原府參軍歷興平尉洛陽主簿娶范陽盧氏生二男未齠二女未笄春秋四十六貞元十年四月八日卒于東都尊賢里第十有一月某日從先君于萬安山陽哀哉君事先大夫以聞禮為業奉繼太夫人以無違為志孝也地貴門高蓋群從之外姻歸知者如市身為家嫡率以和氣煦其歡心行也不籍世資自求於古立也餘力學文會友藝也前者先大夫出入貴仕羽儀中朝君仲父季父皆以令名列于清貫赫奕高名明之盛莫之與中季而既父陷于國讎先大夫薨于遐裔仲氏繼沒于位二夫人次夫于家君于諸父兄弟斬焉相從貌爾相吊曰昊天之下我卹也逮三年矣柩何聲未絕口而君又往焉於積善餘慶之道信乎何其於始也信未及其終而欺繼之季第納柔明而文次迫當室孔懷加等之外似有怨且繼焉

謂負先公下賓仲季之執疏君景行俾勒泉扃銘曰
人生盛衰如朝夕可歎繁華與凋落高門冠蓋昔如雲一旦弔
賓何寂寞盛德之後仁所歸嗟嗟之生何福違我從先君終此
山讓厥嘉祥貽後昆

長安主簿李君墓誌銘

權德輿

君諱少安字公和隴西城紀人自元魏僕射文穆公冲而下為
西州冠族或位不充者必以令德聞曾祖仲進皇宣州司馬祖
僑河南府澠池縣令父愔朝議大夫宗正丞贈濮州刺史君即
濮州第三子敏信寬綽篤於行義方舉孝廉偶為所親者遷
集作薦延授冀州阜城縣尉既非所好終不屑就王黔中礎之時鄴
廉問也表為推官轉友使歷左武衛士曹集作曹參軍大理評事
用誠直贊佐夷落之人宜之府除至京師轉三元集作原縣尉荒

中書甲庫考績四俱

集作居

上第遷長安主簿二陵復土之重比

歲會輦轂之下

集作會同

儲峙

二字集作

無違典司廐置肅給

安靜尹守以為能方受

集作授

代而復表留一歲御史府

集有司字察

視者數薦君自代君方勇於退故朝命未及焉元和三年三月

乙酉感疾不起於長安興化里第享年五十君温仁孝友喻義

循理恢恢然有君子之度蔭位皆屈而知者歎焉夫人滎陽鄭

氏大僕少卿叔規之女仁而不壽先是君元兄郴州刺史捐館

舍請急襄事間閔勤遠間一歲有嗒然之痛喪服甫除俄啓手

足噫以積善之家而叢不叔如是糾纏之數其可問邪嗣子拭

授等號奉轎車以夏五月景申祔于東都潁陽縣之某原禮也

音徽未昧

集作沫

志義相倫情殷中外年同甲子濡涕操管銘于

墓門銘曰

族之盛方才之令方纔知命方俄大病方葬者藏方頽之陽方誌丘荒方杳茫茫方

温縣主簿韓君墓誌

柳宗元

有唐故温縣主簿韓慎字某漢弓高侯其先也從集作于南陽傳世至今唐侍中璩克用貞亮奮于國難侍中元子郢州刺史諱某某生御史著作郎諱某某生尚書庫部郎中萬州刺史諱某嗣以文行大其家業君萬州長子也以父任為速陵挽郎累調授王府叅軍襄州襄陽尉至于是邑貞元十六年又調于天官署河陽丞未拜十有一日暴疾卒于長安永崇里先人之廬又十有一日龜筮襲吉祔于咸陽洪瀆原先人之墓正集作禮先三日外姻家老謀為之志季秦集作秦哀不能文故託于友焉嗚呼生也以其弟之恭知君之為友沒也以其弟之戚知君之

為愛惟友愛出于孝移于施于人事無徃不達故予集作舍得受

其辭以書于石集作書于石曰

友而愛愛而忠忠而孝宜之十一字集止作友而愛而忠孝而之貌稱其行行稱

其詞賤受集作而不壽為善是悼祔于祖考初筮攸告季也之純

寘哀無垠終窆且貧控于仁人備物稱家其儀式陳爰相其悲

載刊集作刻茲珉

陸渾尉崔君墓誌銘

穆負

崔君名沫字君易清河東武城人皇散刑部尚書贈太傅忠公

隱甫之孫河南少尹徵唐世系表同之子進士擢第調同州叅

軍陸渾尉生四十有三年以貞元四年冬十月景子卒于洛陽

毓德里之第于酉從先尚書少尹于此立禮也崔族著明洎忠

公德如其謚焯乎代之聞見其所憑者原矣惟先生之樂實祖

考之世及君子之所以為構為獲者加生知之力行之故其事親也以無間言無違志無失色無過行其執喪也視禮經有加等而惡用吾情之歎異夫古為其莅官也才無不器事至一作以鋒致理者以備羣司陟明者以充首賦其會友也以晏平仲父敬子路無宿諾植之為本而游夏之藝文嚮使錫厥永年被之貴仕俾自家刑國以及生人未始涯也嗚呼才長命短古有之矣君之所以墮諸公之淚使有餘恨者方兄弟燕言之次無分陰之疾如寐如息而不反焉夫人范陽盧氏令族美行宜一作而為君之伉儷四子男曰某女孟仲季未笄未弁初河南府君祥踰月夫人范陽縣君遠養又祥踰月君繼天君長河南府司錄參軍慨不勝其哀乃至謂其身之存不若君之沒而無知也當無窮之若疑作如有知也先人在焉託我友生銘其隧埏詞

曰

有生有死彭殤同致德義為宗嵩高匪貴雲收於山曷為時雨嗟我哲人修邛之土

鄭州新鄭縣尉安定皇甫君墓誌銘

梁肅

君諱某字某皇朝監察御史某之曾孫贈兵部侍郎某之孫唐州長史某之弟三子尚書左丞侁之愛弟歷葉聚祉左丞又嗣以淳德義之門宜有仁人君生而冲茂聰悟孝敬弱冠以明經登科始長安丞又轉新鄭尉性恬曠不甚以祿仕為意避亂至江南以墳籍自娛謂論語二十遍有夫子微言故常翫其章句以尊情性非至德要道未嘗經懷老氏不居其華孟軻言必仁義君子集作之志也曉節多病享年七十七以興元元年正月三日啓手足於嘉興縣私第夫人博陵崔氏生一子曰攸號慕哀

敬禮無違者左丞嗣子兵部郎中政實營護喪事以前月三日
權厝于某鄉原不克反葬難故也即中於予有鄉黨之舊泣書
美行見命誌之銘曰

温良恭儉德之柄兮居常待終天之命兮卜葬從權變之正兮

恒州真定縣尉獨孤君墓誌銘

前人

君諱正河南洛陽人皇朝光祿大夫河集作洛後亦云洛陽之南公諱義

順玄之孫故殿中侍御史頴川郡長史贈祕書監府君集無此二字

諱某之少子故常州刺史府君諱某之愛弟春秋四十六大曆

十一年某月日卒晉陵郡明年某月日歸葬于洛陽南先塋元

兄水部員外郎兼侍御史汜銜天倫之痛且懼陵谷之不可常

也於是昭銘景行誌其墓曰君之先出自劉氏漢世祖之裔有

進伯者北征以師敗績降匈奴因部易姓其後有永公羅辰臨

川王永業魏齊二代開國承家臨川生開府儀同三司武安公

子佳洛南之禰也歷代之崇業茂勲鍾其餘祉於是有祕書之

遺直常州之原集作德德美休裕叢滋于君君温恭集作淑和

孝友慈仁居處進退非禮不動常謂學者義之府文者質之薄

故娛心典墳簡棄詞藝又謂干祿者躁之幾藏蜜者靜之奧故

反情樂道居易脩業少時解褐授真定尉非其所好棄官不之

晚節尚黃老慕禪味橐籥心懷夢幻生死端居一室澹如也連

疾病集無或勸之藥君集作曰命之不可奈何雖有藥石將焉

所施言未絕口嗒焉順化未婚無子知者痛之嗚呼予嘗窺天

人而考性命天壽之數福極之源蓋昏然而不可究已以獨孤

君蘊純粹之質蹈淵騫之行而生不躋艾服慶不植後嗣彼造

物者以三壽百福與何人哉先是君李氏之娣捐館某明年四

月常州府君薨及葬之日三喪俱引故親舊惋痛為善者相弔
水部之哀又其可既乎肅常辱常州之眷且與真定游文集無
文字
故備其實錄刊于貞石銘曰
顯允君子德心廣兮與道為徒以蒙養兮桑扈及真泊然往兮
刻石九原畢天壤兮

文苑英華卷第九百六十

登仕郎胡 柯 鄉貢進士彭 叔夏 校正

